

四庫全書

子部

欽定四庫全書

格致鏡原卷十

大學士陳元龍撰

坤輿類六

土附土牛

聖證論孔晁曰能吐生百穀謂之土 周易參同契黃

土金之父 演繁露杜牧曰幽并水土程其輕重比河

南常重十二然則不獨水有輕重土亦然也 避暑錄

山中每開闢徑路剗治巖竇有尋丈之間土色各殊肥

瘠緊緩燥潤亦從而不同 畱青曰札田地有橫土有

立土西北方橫土可以穴居以其不崩也立土不可種

禾江南又有斜土或近山海之故亦不可種水不瀦也

國語沃土之民不材淫也瘠土之民莫不向義勞也

淮南子堅土人剛弱土人脆壚土人大沙土人細息

土人美耗土人醜 禹貢冀州厥土唯白壤無塊曰壤兗州

厥土黑墳土脉起青州厥土白墳徐州厥土赤埴墳埴黏也

揚州荊州厥土惟塗泥豫州厥土惟壤下土墳壚疏也而

梁州厥土青黎

也黑

雍州厥土惟黃壤

逸雅土青曰黎

似黎草色也土黃而細密曰埴埴膩也黏肥如脂之膩

也赤土曰鼠肝如鼠肝色土白曰漂漂輕飛散也土黑

曰盧盧然解散也禹貢徐州厥貢惟土五色北堂

書鈔王者封五色土為社建諸侯則各割其方色土與

之使立社燾以黃土事物紀原秦築長城土皆紫色

謂之紫塞南徼土色丹謂之丹徼子虛賦其土則丹

青赭堊注張揖曰赭赤赭也堊白堊也師古曰赭今之



赤土也堊今之白土也 庶物異名疏圖經始興縣山中多白善用以浣衣中山經蔥嶺之山多白黑青黃堊有五色入藥唯白者本草注土以黃為正色白為惡色後人諱之呼為白善 隋圖經常山高邑縣房子城出白土細滑膏潤可以塗飾兼用之濯錦可致鮮潔 麗道元水經注房子白土細滑如膏可用濯錦色奪霜雪光彩鮮異潔于常錦 陸廣微吳地記餘杭山有白土如玉甚光潤吳中每年取以充貢號曰石脂亦曰白堊

白礬 雷煥別傳煥豐城獄得劍取南昌西山黃白土  
拭之光艷照耀張華更以華陰赤土磨之鮮光愈亮  
馬觀瀛涯勝覽忽魯謨斯國有一大山四面各產一物  
一面出紅土如硃一出白土可堊一出黃土色如姜黃  
其王令人守視各處人貨而用之 孔靈符會稽記赤  
城山土色皆赤岩岫連沓狀似雲霞 詞林海錯西域  
有赤土之阪令人身熱頭痛嘔吐 論語撰考籤武當  
縣有一谿岸土色鮮黃可噉 紀聞開元二十八年春

二月懷州武德武陟修武三縣人無故食土云味美異於他土先是武德期城村婦人相與採拾聚而言曰今米貴人饑若為生活有老父紫衣白馬從十人來過之謂婦人曰何憂無食此渠水傍土甚佳可食汝試嘗之婦人取食味頗異遂失老父乃取其土至家拌其麵為餅餅甚香由是遠近競取之渠東西五里南北十餘步土竝盡雲南志雲南臨安府有落容山在府治西南三里其土香美作餅炙熟可食隸婦嗜之史記天官

書先至三日垂土炭於衡兩端輕重適均夏至日陰氣至則土重 漢書賈山傳魯不得蓬顆蔽冢而託葬焉 顏注顆謂土塊蓬顆言塊上生蓬耳

土牛 物原周公始制立春土牛 論衡立春為土象人男女各二秉耒耜又立土象牛順時應氣示率下也 漢禮儀志季冬之月立土牛六頭於國都郡縣城外丑地以送寒氣 夢華錄立春前五日竝造土牛耕夫犂具於大門之外是日黎明有司為壇以祭先農官吏

各具絲仗環擊牛者三所以示勸耕之意

田

逸雅土已耕者曰田田塡也五稼塡滿其中也 通典

黃帝始立地制畝是田以畝計起自軒轅也 漢食貨

志后稷始畊田以二耜為耦廣尺深尺曰畊顏注畊者

田中溝也田溝之法耜廣五寸二耜相耦一耦之伐廣

尺深尺謂之畊六畊而為一畝

畊同畝

真逸農田餘話

古人建步立畝六尺為步百步為畝至唐始以二百四

十步為畝百畝為頃 李京雲南志畧諸夷多水田謂

五畝為一雙俗耕田三人使二牛前牽中壓後驅犁一

日為一雙 杜甫詩注農家指田遠近多少曰幾稜

去聲

楊慎外集田塍曰水埒燒田而種曰畊 爾雅田一

歲曰菑二歲曰新田三歲曰畬郭注今江東呼初耕地

反草為菑 司馬彪史記注汙斜下地田也 三才圖

會圃田種蔬果之田也園田築土作圍以繞田也江淮

之間地或瀕水築土作堤以為稼地復有圩田謂疊為

圩岸扞護外水也。樞田築土護田似圍而小四面俱置  
溝穴。李燾長編杭西湖中多葑田。王禎農書若深  
水藪澤則有葑田以木縛為田坵浮繫水面以葑泥附  
木架上而種菰之。其木架田坵隨水高下浮泛自不淪  
浸。楊慎外集葑田江淮以南有之。淮南子大旱菰封  
燠菰即菰封即葑也。旱燥故菰封亦乾也。菰葑根相結  
而生歲久浮於水上根最繁而善糾結以土泥著上刈  
去其蔓枯時以火燎便可耕種。閩騶十三州志百粵

嶺南有駱田駱音架 裴淵廣州記交趾有駱田隨潮  
水上下 范成大驂鸞錄袁州仰山嶺阪之間皆田層  
層而上至頂名梯田 三才圖會梯田謂梯山為田也  
凡土山下自橫麓上至危巔一體之間裁作重磴即可  
種藝 農書塗田瀕海之地潮水所擁沙泥積焉上有  
鹹草叢生初種水稻斥鹵既盡可為稼田邊海築壁或  
樹立椿橛以抵潮汛其稼收比常倍利又淤田中土大  
河之側及淮灣水匯之地凡潢汙洄互壅積泥滓皆成



淤灘秋後泥乾地裂布掃麥種于工又沙田或濱大江  
或峙中洲四圍蘆葦駢密以護堤岸地常潤澤可種稻  
秫蓋沙田者水激於東則沙漲於西水激於西則沙漲  
於東百姓隨沙漲之東西而田焉 三輔黃圖弄田在  
未央宮注弄田者燕遊之田天子所戲弄耳 晉書義  
熙九年四月罷臨沂湖熟皇后脂澤田四十頃以賜貧  
人弛湖池之禁 南越志交趾號腴田曰雄田 朝野  
遺記廣中韶陽屬邑有乳田以地種乳先掘地成窖以

粳米粉鋪於窖內以草蓋之用糞壤壅之候雨過氣出  
則發開而米粉已化成蛹如蠶繒狀取蛹作汁以米粉  
漬而蒸成乳食之 搜神記羊公雍伯性篤孝有人以  
石子一升與之使有石處種之後於所種石處得五雙  
白璧遂名其處曰玉田 清異錄汴老圃紀生一鉏芘  
三十口嘗呼子孫戒曰此二十畝田便是青銅海也

### 沙

水經注蘭倉水有金沙越人收以為黃金 拾遺記岱

興山南有平沙千里色如金若粉屑靡靡常流鳥獸行  
則沒足風吹沙起若霧亦名金霧亦曰金塵沙著樹聚  
然如黃金塗矣和之以泥塗仙宮則晃昱明粲也 寰  
宇記緱氏八風溪水南流合三交水岸有沙細潤可以  
漂濯隋代常進後宮雜以香藥以當豆屑號曰玉女沙  
王孚記袁州有水春交則上白沙如米於兩岸九十  
餘里呼為米沙若一岸徧米其方豐熟 國史異纂靈  
州明沙縣有沙人馬踐之輒鎗然有聲持至他處信宿

之後無復有聲 河西舊事沙州天氣晴朗即沙鳴聞  
於城內又云人遊沙上結侶少或未曾遊即生怖懼莫  
敢前其沙或隨人足自頓下經宿却自還山上 鄯陽  
記新昌水有一沙堆在縣東北五十里其形狀如覆船  
鮮淨特異每年豐稔其沙即堆積如舊若沙移向岸其  
年儉古來相傳以為常驗 正字通度爾格國有沙海  
沙乘大風如浪行旅過之為沙所壓遼陽有沙泉泉涌  
出其沙可磨寶石泰西有漏沙色白小團如一故以之

代刻漏 丹鉛總錄水邊地可耕曰沙金陵有白沙徽  
州有錦沙楚有長風沙秦塞有穆護沙佛經有毗沙餅  
沙 國史補凡拜相禮絕班行府縣載沙填路自私第  
至於子城東街名曰沙堤

泥

拾遺記周靈王起昆昭之臺篩水晶以為泥始皇起雲  
明臺得賁都朱泥漢元封元年浮忻國歲貢蘭金之泥  
金出湯淵盛夏之時水常沸涌水邊人治此金為泥封

諸函匣及諸宮門鬼魅不敢干當漢世上將出征及使  
絕國多以泥為印封衛青張騫蘇武傳介子之使皆受  
金泥之璽封也 漢武故事上起神屋以赤白石脂為  
泥椒汁和之 南史齊明帝時多聚金寶至後主以金  
為泥不足周用 清異錄穆宗喜華麗以紙膏膠水調  
粉飾牆名雪花泥 清異錄秣陵孟娘山土正白色曰  
白塼土周護始調塗其四堵因呼隱士泥 拾遺記方  
丈山有池泥色如金而味辛以泥為器可作舟矣百鍊

可為金金色青照鬼魅猶如石鏡不得藏形也 事物  
紺珠連金泥煮鳳喙麟角為泥可連金 隴右記武都  
紫水有泥其色紫而粘貢之用封璽書故詔誥有紫泥  
之美 梁四公記震澤中洞庭山有洞穴深百餘尺仰  
公眎誤墮洞中至一龍宮下有青泥饑食青泥味若粳  
米飯 長安志藍田縣南有青泥水魏置青泥軍 朝  
野僉載醫書言虎中藥箭食清泥 彭文憲公筆記成  
化元年五月京師大風一時蕭牆以西地上有聲如雨

電然視之皆黃泥九子堅淨如櫻桃大拾取而破之中  
有硫黃氣 本草李時珍曰烏丁泥出南番瓜哇暹羅  
諸國今雲南老樹暮雲場造之云是細茶末入竹筒堅  
塞兩頭孔墮汗泥溝中日久取茶末擣汁熬制塊小潤  
澤者良 羣芳譜陶瓦之泥曰坏細泥也

灰

禮月令仲夏毋燒灰注火之滅者為灰禁之亦為傷火  
氣也 淮南子往古之時四極廢九州裂水浩漾而不



息於是女媧積蘆灰以止淫水 淮南子月隨灰而暈  
缺注蘆灰環月缺其一面月暈亦隨而缺 續漢書以  
葭莩灰實律之端按厯而候之其月氣至則飛灰而管  
通 玉泉記立春取金門竹河內葭草灰候陽春 周  
禮蠲氏掌去蠹黽焚牡鞠以灰灑之則死 左傳宋文  
公始厚葬用蜃灰 高僧傳武帝穿昆明池底得黑灰  
無復土問東方朔朔云不知可問西域胡人明帝時竺  
法蘭來洛陽時有憶方朔言者乃問之蘭云經云天地

大刮將盡則刮燒此燒刮之餘灰也 唐書李勣病宜

用鬚灰帝剪以賜之 南史陶弘景幼年以荻畫灰學

書法 開元遺事楊國忠冬月以白檀灰鋪爐底灰不

可參雜也 食貨志奉天鹵池生水栢以灰一斛得鹽

十二斤利倍鹵鹵文宗時采灰一斗比鹽一斤論罪

孔氏雜說俗以和泥灰為麻擣出唐六典京兆歲送麻

擣二萬斤 物類相感志陶家青灰出嶺南修德郡陶

家小竹筒盛之投衣間令人喜相善云是燒蟲而作若

以灰拭器物皆可喜也 酉陽雜俎凡雕琉璃先以自

然灰煮之令其軟 南州異物志自然灰狀如黃灰生

南海濱亦可浣衣用之不須淋但投之水中滑如苔石

本草陳藏器曰自然灰生南海畔凡玉石以此灰灑

之爛如泥 異物志古貢灰牡蠣殼也 五雜俎蠣殼

堪燒灰殊勝石灰也 墨子秘要歲時元日取鵲巢燒

灰著於廁以避兵撒門裏以避盜賊 淮南子爛灰生

蠅物原桀臣昆吾作石灰 抱朴子洛西有古墓穿

壞多時水滿墓中多石灰汁主治瘡 酉陽雜俎唐寶  
歷中荊州廬山人常販燒朴石灰往來於白汴南草市

### 塵

博物志徐州人謂塵為蓬塊吳人謂塵土為拔塊 物  
類相感志舜葬於蒼梧之野有鳥如雀銜青沙珠積成  
阜丘珠輕細風吹如塵起名曰珠塵 拾遺記岱輿山  
南有平沙千里色如金風吹沙起名金塵 搜神記巴  
邛人家橘園有大橘如三斗盎剖開每橘有二叟相對

象戲一叟曰君輸我瀛州玉塵九斛拾遺記石虎當  
亢旱時以雜寶異香為屑使數百人於樓上吹散之名  
曰芳塵薛靈芸傳魏文帝迎靈芸未至京師數十里  
車從噓路塵起蔽於星月時人謂為塵霄拾遺記石  
季倫所愛婢數十人季倫屑沉香塵布象牀上使踐之  
無迹則賜珠百琲有迹則節其飲食令體輕世說簡  
文帝為撫軍時牀上塵不拂視鼠行迹為佳

諸地形

爾雅注江東呼地高堆者為敦 周禮注下平曰衍

史記封禪書注山陂曰衍 張揖廣雅小陵曰丘 爾

雅丘一成為敦丘再成為陶丘再成銳上為融丘三成

為崑崙丘

成猶重也

如磽者磽丘

磽者稻田塍埒

如階者階丘

水中小洲

為階水潦所止泥丘

頂上汗下者

水潦所還埒丘

謂丘邊有界埒水繞環之

上正章丘澤中有丘都丘堂途梧丘途出其右而還之

畫丘

言為道所規畫

途出其前戴丘途出其後昌丘水出其前

消丘水出其後沮丘水出其右正丘水出其左營丘遷

迤沙丘左高咸丘右高臨丘前高旄丘後高陵丘偏高

阿丘宛中宛丘

毛傳謂四方高中央下曰宛丘郭注謂中央隆高二說不同

丘背有

丘為負丘左澤定丘右陵泰丘如畝畝丘如陵陵丘丘上有丘為宛丘陳有宛丘晉有潛丘淮南有州黎丘

顏師古漢書注古謂掘地為阡曰方 丹鉛總錄韓詩

考槃在干注地下而黃曰干江南有吳干平涼有隴干

今之靜寧州也

樂府有長干曲顏延之祭屈原文曰身絕郢闕

跡徧湘干 丹鉛總錄王子年云禹治水所穿鑿處皆

有泥封記使玄熊升其上此封堠之始按北堂書抄引  
山海經黃帝遊幸天下有記里鼓道路有記里堆則堆  
起黃帝非始於禹崔豹古今注畫界者封土為臺以表  
識壇境也馬縞曰為壇埒以畫界分程也十里雙堠五  
里隻堠 柳宗元鐵鑪步志江之潯凡舟可縻而上下  
曰步 青箱雜記嶺南謂水津為步 丹鉛總錄韓文  
步有新船不知者改步為涉謬矣南方謂水際為步韓  
退之孔戣墓志蕃船至步有下碇之說張勃吳錄地名




有龜步魚步揚州有瓜步羅含湘中記有靈妃步金陵  
圖志有邀笛步王微之邀桓伊吹笛處樹萱錄載唐臺  
城故妓詩云那堪回首處江步野棠飛東坡詩蕭然三  
家步橫比萬斛舟 考工記匠人為溝洫九夫為井井  
間廣四尺深四尺謂之溝方十里為成成間廣八尺深  
八尺謂之洫方百里為同同間廣二尋深二仞謂之澮  
凡溝必因水執防必因地執善溝者水漱之善防者水  
淫之 考工記梢溝三十里而廣倍注梢溝溝末也溝

遠而不倍不足以容水 三才圖會陰溝行水暗渠也  
禮郊特牲祭坊與水庸事也注水庸溝也庸者所以  
受水亦以泄水 丘光庭兼明書凡溝有露見其明者  
有以土填其上者土填其上謂之陰溝露見其明者謂  
陽溝言陽以對陰無他說也 俞琰席上腐談崔豹古  
今注云長安御溝謂之楊溝謂植高楊於其上也又曰  
羊溝謂羊喜舐觸牆垣為溝以隔之故曰羊溝愚謂今  
人以水溝在庭內不可見者為陰溝在庭外可見者曰

陽溝 丹鉛總錄周禮為其井匱注井漏井匱堰豬按  
漏井今之滲坑匱豬今之陰溝也 古今事物考黃帝  
破蚩尤而為池沼 風俗通孫子有金城湯池之說後  
人因此開地為池以養魚鼈 白澤圖故池之精名意  
狀如豚 楚地記剪刀池昔車胤讀書於此婦以女紅  
佐之落剪刀於此池 後魏書波智國有三池傳云大  
池有龍王次有龍婦小有龍子人設祭乃得過不則多  
遇風雷 遊名山記驪山溫泉左為玉女洗頭池沐髮

者多去瘡蝨 三才圖會水閘開閉水門也間有地形  
高下水路不均則必跨據津要高築堤埧匯水前立斗  
門甃石為壁疊木作障以備啓閉遇旱則撤水灌田又  
得通濟舟楫 楊慎外集檢江蓄水曰堰壅水為堰曰  
埧江南謂之埧巴蜀謂之堰



格致鏡原卷十

欽定四庫全書

子部

格致鏡原卷十二

詳校官中書臣羅錦森

侍讀臣孫球覆勘

總校官中書臣朱鈐

校對官原任典簿臣郭祚熾

謄錄監生臣金國禮

欽定四庫全書

格致鏡原卷十一

大學士陳元龍撰

身體類一

總

管子人水也男女精氣合而水流形三月如咀咀者何  
曰五味酸主脾醎主肺辛主腎苦主肝甘主心五臟已  
具而後生肉脾生膈肺生骨腎生腦肝生革心生肉五  
肉已具而後發為九竅脾發為鼻肝發為目腎發為耳

肺發為竅五月而成十月而生 說原人順生草木倒  
生禽獸橫生故草木無知禽獸知而不全人則無不知  
也 劉熙釋名體第也骨肉毛血表裏大小相次第也  
軀區也是衆名之大總若區域也形有形象之異也身  
伸也可屈伸也毛貌也冒也在表所以別形貌且以自  
覆冒也皮被也被覆體也膚布也布在表也 說文肌  
肉也人身四支附骨者皆曰肌 釋名肉柔也筋力也  
肉中之力氣之元也靳固於身形也 意林人有三百



六十節當天之數形體有骨肉如地之厚有孔竅血脉如川谷也多食甘者有益於肉而骨不利多食苦者有益於骨而筋不利多食辛者有益於筋而氣不利黃帝書知五藏神名與天地適等晨暮常呼之與言語有痛處自令其神治之即差也不與相知不與言語則死矣廣博物志膽為雲肺為氣脾為風腎為雨肝為雷人與天地相類而心為主雲笈七籤皮膚神名通衆仲字道連形長一寸五分色黃南史王敬則母為

女巫嘗謂人云敬則胞衣紫色應得鳴鼓角 十住論  
佛身七處滿謂兩手兩肩兩足及頸 山海經刑天與  
帝爭神帝斬其首葬之常羊之山乃以乳為月以臍為  
日操干戚以舞 晉書愍帝建興四年新蔡縣吏任僑  
妻產二女腹與心相合自胸已上臍已下各分此蓋天  
下未有之妖也時內史呂會上言按瑞應圖異根同體  
謂之連理異畝同穎謂之嘉禾草木之異猶以為瑞今  
二人同心易稱二人同心其利斷金蓋四海同心之瑞

也時皆哂之 朝野僉載景龍中瀛洲進一婦人身上  
隱起浮圖塔廟諸佛形像 誠齋雜記真臘王身嵌聖  
鐵縱使利刃斫之不能為害 酉陽雜俎李章武有人  
腊長三寸許百骸皆具是僬僇國人

頭 附腦

黃帝素問頭者精明之主也 說文首頭也顙碩顙頤  
類大頭也顙小頭也 釋名頭獨也處體高而獨尊也  
首始也 元命苞頭者神所居上圓象天氣之府也歲

必十二月故人頭長尺二寸 洞神經頭為三台君

雲笈七籤頭上神三人東王父也 黃庭內經太一流

珠安崑崙注頭為崑崙 周祈名義考中州人謂頭為

腦帶 方書頂中央旋毛中為百會百會前一寸半為

前頂百會前三寸即顙門顙會前一寸為上星顙會前

二寸直鼻上入髮際五分為天庭 禮斗威儀君乘火

而王其民銳頭君乘水而王其民大頭 彙苑頭方者

命薄 帝系譜神農牛首 晏子湯長頭而寡髮 嚴

尤二將叙武安君小頭而面銳 後漢書問事不休賈

長頭

賈逵也

南史進止威儀當問范長頭

謂范岫也

魏書

古弼頭尖世祖嘗名之曰筆頭時人呼為筆公 晉書

吳成將鄧喜殺豬祠神治畢懸之忽見一人頭往食肉

喜引弓射中之咋咋作聲繞屋三日近赤祥也 酉陽

雜俎吳大帝孫權伐闍婆獻一美姬每梳洗則不令人

見大帝伺其臨妝密遣人窺見姬置頭於膝上用手梳

髮因驚詢之即以頭屬頸如故自言飛頭國人也 搜

神記南方有落民吳時將軍朱桓一婢每夜臥後頭輒飛去或從狗竇或從天窗中出以耳為翼將曉復還傍人怪之夜照視惟有身無頭其體微冷乃蒙之以被至曉頭還凝被不得安再三墮地而其體氣急疾若將死者乃去被頭復起附得安復瞑如常人 酉陽雜俎嶺南溪洞中往往有飛頭者故有飛頭獠子之號頭飛一日前頸有痕匝項如紅縷妻子看守之其人及夜狀如病頭忽離身而去乃於岸泥尋蟬蚓之類食之將曉飛

還如夢覺其腹實矣 星槎勝覽占城國尸頭蠻本是  
婦人但無瞳人為異婦與家人同寢夜深飛頭去食人  
穢物飛回復合體活如舊若知而封固其頭或移體別  
處則死此婦亦罕有民間有而不報官者罪及一家  
宋趙葵行營雜錄監左帑張宣義嘗言有親戚宦遊西  
蜀道經襄漢晚投店見一人無首以為鬼也主人曰人  
也往來患瘰癧頭忽墜脫竟不死每有所需則以手指  
畫日以粥湯灌之故至今存耳 魏志辰韓國兒生以

石壓其頭欲其扁今辰韓人皆扁頭

腦雲笈七籤腦神名覺元子字道都形長一寸一分  
色正白又腦戶神三人泥丸君也續明道雜志衛朴  
嘗令人聽其腦中有聲嘗若滴水云聞奇錄唐金州  
水陸院僧文淨因夏屋漏滴於腦遂作小瘡經年若一  
大桃來歲五月後因雷雨震穴其贅文淨睡中不覺  
寤後唯贅痛遣人視之如刀割有物隱處乃蟠龍之狀  
也張舜民畫墁錄嘉祐初仁宗寢疾藥未驗間召草



澤始用鍼自腦後刺入鍼方出開眼曰好惺惺翌日聖體良已自爾以其穴目為惺惺穴鍼經初無此名或曰即風府也

### 髮

劉熙逸雅髮拔也拔擢而出也其上連髮曰髣髣濱也濱崖也為面額之崖岸也鬢曲頭曰距距拒也言其曲似拒也 三元真一經髮者明堂之林精 禮斗威儀君乘木而王為人美髮 黃庭內經髮神蒼華字大元

雲笈七籤頭髮神七人七星精也神字祿之又髮神  
名玄文華字道衡形長一寸一分色玄又髮神名壽長  
庶物異名疏黃庭經雲儀玉華俠耳門雲儀玉華髻  
髮之號素問腎之華在髮王冰注腎主髓腦者髓之  
海髮者腦之華夷門廣牘髮乃血之餘真誥九華  
真妃云髮者腦之華腦減則髮素妾有還白之法淮  
南萬畢術用麻子中人桐葉米汁煮之沐二十日髮長  
纍苑漢時邳支國貢馬肝石以之拭髮白者皆黑

明皇雜錄上賜李林甫甘露羹能烏髮 禮內則剪髮  
為髻男角女羈注角者夾囟兩旁當角處留髮不剪羈  
者髮留頂上一直一橫相交通達故曰夾囟為角午達  
為羈 內則拂髦總角注收髮結之 趙后傳額上有  
壯髮類元帝師古注壯髮當額前侵下而生今俗呼為  
圭頭者是也 輟耕錄婦人頭髮有時為膏澤所黏必  
沐乃解者謂之胛按考工記弓人注云胛亦黏也則髮  
胛之胛正當用此字又人年壯而髮斑白者曰算髮一

曰蒜髮又黑白相雜曰宣髮易說卦巽為寡髮陸德明  
曰寡本作宣 法苑珠林閻浮提人衣服莊飾種種不  
同或有長髮分為兩髻或有剃落髮鬚或有頂留一髻  
餘髮皆除名周羅髮或有拔除髮或有剪髮或有編髮  
或有被髮或有剪前被後令圓 南海異事南海男子  
女人皆續髮每沐以灰投海水中就水以沐以蒜膏滋  
其髮至五六月稻未熟民盡髡鬻於市既髡復取蒜膏  
塗來歲五六月又可鬻也 暹苑回鶻黠戛斯人皆赤

髮以黑髮為不祥 東夷傳馬韓人大率魁頭露紒注  
魁頭猶科頭也謂以髮縈繞成科結也 南史高昌面  
貌類高麗辮髮垂於背其女子辮髮而不垂 彙苑南  
詔望苴蠻婦人以蕓澤髮 北史百濟婦人不加粉黛  
女辮髮垂後已出嫁則分為兩道盤於頭上 王子年  
拾遺記蒼頡之處有丹石井下及漏泉泉常沸湧其國  
人髮長常縷堅韌如觚伸之幾長一丈置之自縮如蟲  
續髮為繩以汲丹井之水 歸藏啟筮共工人面蛇身

朱髮 帝王世紀老聃初生而髮白故號老子 十住  
論佛髮色如墨蜂中有德字 大集經佛不以惡事加  
衆生故得髮色金精相 南史扶南有佛髮長一丈二  
尺詔遣沙門釋雲寶隨使往迎之髮青紺色衆僧以手  
伸之隨手長短放之則旋屈為蠱形 昨夢錄塔中安  
佛髮長及二丈有奇拳為巨螺其大如容數升物之器  
髮之色非赤非青非綠人間無此色也髮根大於人指  
自根至杪漸殺焉使兩人對牽之人自其中來往無礙

大中遺事軒轅先生居羅浮山宣帝召入禁中問道  
術又能散髮箕踞用氣攻其髮條條如鐵線直 酉陽  
雜俎魏時有句驪客善用針取寸髮斬為十餘段以針  
貫取之言髮中虛也其妙如此 拾遺記孫權趙夫人  
能拊髮以神膠續之織為羅縠裁為幔內外視之飄飄  
如烟氣輕動而房內自涼 左傳昔有仍氏女生鬢黑  
為美髮而甚美光可以鑑名曰玄妻 南史張貴妃髮長  
七尺鬢黑如雲其光可鑑 異聞錄柳毅見龍女風鬟

霧鬢談數宋明帝宮人患腰疼牽心發即氣絕衆醫  
以為肉癥徐文伯曰此髮癥也以油灌之則吐物如髮  
稍稍引之長三尺頭已成蛇能動懸柱上水滴盡一髮  
而已病即愈秘丹彙函有人誤吞髮便得病但欲咽  
豬脂張口時見喉中有一頭出受膏乃取小鈎為餌而  
引得一物長三尺餘其形似蛇而悉是豬脂懸於屋間  
旬日融盡惟髮在焉異苑瑯琊費縣民家常患失物  
謂是偷者常周行宅內後見籬下穿穴可容人臂滑澤



有踪乃作繩驅放穴內夜中忽聞有擺撲聲往掩得一  
髮長可三尺許從此無復所失 物類相感志生人髮  
結挂果樹上鳥雀不敢食其實

髻

附髻 髮

禮內則子事父母櫛縱笄總註縱以黑繒為之韜髮作  
髻訖即橫插笄固髻總亦用繒以束髮之本垂餘於髻  
後以為飾也 事物紺珠蒲桃髻小兒髮初生為小髻  
十數父母祝曰蒲桃髻十穗勝五穗 陸賈傳尉佗魑

結服虔注魑音椎今兵士椎頭髻也師古注結讀曰髻  
椎結者一撮之髻其形如椎 藝苑卮言王憲作解散  
髻周弘文少時著錦絞髻 山堂肆考世尊於肉髻中  
出百寶光肉髻如青螺故曰螺髻

女人髻 國憲家猷婦人束髮為髻自燧人氏始實無  
物繫縛至女媧氏以羊毛為繩子向後繫之以荆拔及  
竹為筭用貫其髻髮 物原嫫母作特髻 古今注周  
文王制平頭髻昭王制小鬚雙裙髻 粧臺記周文王

於髻上加珠翠翹花傳之鉛粉其髻高名曰鳳髻始皇  
宮中悉好神仙之術乃梳神仙髻皆紅粧翠眉漢宮尚  
之後有迎春髻垂雲髻時亦相尚 古今注始皇詔后  
梳凌雲髻三妃梳望仙九鬟髻九嬪梳叅鸞髻至漢高  
祖又令宮人梳奉聖髻武帝又令梳十二鬟髻又梳墮  
馬髻靈帝又令梳瑤臺髻 炙轂子漢武帝時王母降  
諸仙髻皆異人間帝令宮中效之號飛仙髻 東觀漢  
記明德后美髮為四起大髻但以髮成尚有餘繞髻三

匝 事物原始孫壽為墮馬髻疑即今名懶梳粧又趙  
合德入宮為卷髮號新興髻孟光為椎髻 古今注長  
安婦女好為盤桓髻到於今其法不絕墮馬髻今無復  
作者惟倭墮髻一云墮馬之餘形也 國憲家猷漢明

帝令宮人梳百合分髻髻同心髻魏武帝令宮人梳反  
綰髻 古今注魏文帝令宮人梳百花髻芙蓉歸雲髻  
採蘭雜志甄后既入魏宮宮庭有一綠蛇口中恒有  
赤珠若梧子大每日后梳粧則盤結一髻形於后前后

異之因效而為髻故后髻每日不同號為靈蛇髻古

今注魏宮人好畫長眉今作蛾眉驚鵲髻 段成式髻

鬋品魏明帝宮有涵烟髻 粧臺記晉惠帝令宮人梳

芙蓉髻 晉書王夫人助蠶服制太平髻七鎖蔽髻黑

玳瑁又加簪珥九嬪公主夫人五鎖世婦三鎖 粧臺

記晉永嘉間婦人束髮其緩彌甚紒之堅不能自立髮

被於額自出而已吳婦盛粧者急束其髮而鬪角過於

耳 晉書太元中公主婦女必緩鬋傾髻以為盛飾用

髮既多不可恒戴乃先於木及籠上裝之名曰假髻或名假頭至貧家不能自辦自號無頭就人借頭遂布天下宋五行志文帝元嘉六年民間婦人結髮者三分髮抽其髮直上謂之飛天紒南史東昏宮裏作散叛髮反髻根向後百姓爭學之藝苑卮言梁宮有羅光髻古今注梁武帝詔宮人梳迴心髻歸真髻忽鬱髻國憲家猷陳宮中梳隨雲髻即暈粧隋文帝宮中梳九真髻紅粧謂之桃花面插翠翹桃蘂搔頭帖五色花

子煬帝令宮人梳迎唐八鬟髻作日粧又令梳坐愁髻  
作紅粧 中華古今注隋有凌虛髻祥雲髻大業中令  
宮人梳朝雲近香髻歸秦髻奉仙髻 丹鉛錄北齊後  
宮之服制女官八品偏髻當作髻音梢髻注云髻髮覆目也  
蓋夷中少女之飾其四垂短髮僅覆眉目而頂心長髮  
繞為臥髻宋人詞所謂鬢偏荷葉也今世猶有之

粧臺記唐武德中宮中梳半翻髻又梳反綰髻樂遊髻  
即水精殿名也開元中梳雙鬟望仙髻及迴鶻髻貴妃

作愁來髻貞元中梳歸順髻帖五色花子 唐五行志  
貴妃以假鬢為首飾曰義髻僖宗內人束髮甚急為囚  
髻唐末婦人梳髮以兩鬢抱面為拋家髻 陸勲集異  
志婦人皆剪剔以著假髻而危邪之狀如飛鳥至於南  
面則髻心正西始自宮內為之被於四遠 三夢記唐  
末宮中髻號鬧掃粧形如焱風散髻蓋盤鴉墮馬之類  
粧臺記蜀孟昶末年婦女治髮為高髻號朝天髻

謝氏詩源輕雲鬢髮甚長每梳頭立於榻上猶拂地已



綰結左右餘髮各粗一指結束作同心帶垂於兩肩以珠翠飾之謂之流蘓髻於是富家女子多以青絲效其制粧臺記宋理宗朝宮妃梳高髻於頂曰不走落南史滑國女人頭上刻木為角以金銀飾之杜陽編女蠻國人危髻金冠瓔珞被體故謂之菩薩蠻

髻古今注魏文帝宮人莫瑱樹始製為蟬髻望之縹緲如蟬翼然楓窓小牘汴京閨閣粧抹凡數變崇寧間少嘗記憶作大髻方額政宣之際又尚急把垂肩宣

和已後多梳雲尖巧額鬢撐金鳳小家至為剪紙襯髮  
留青日札梁簡文詩同安髻裏撥異作額間黃撥者  
撥開也四十年前婦女理髻尚用撥以木為之形如棗  
核兩頭尖尖可二寸長以漆光澤用以鬆鬢名曰鬢棗  
今亦不復用之競作薄薄妥鬢如古之蟬翼鬢也

髮逸雅編編髮為之次第髮也髭髮被也髮少者得  
以被助其髮也事物原始婦人寡髮假人之髮以為  
已髮名曰假髮詩云鬢髮如雲不屑髭也朱子注云鬢

黑也如雲言多而美也屑潔也髣者髮髣也人少髮則以髣益之髮自美則不必假人之髮而為髣也然則三代時已有之晉太和中陶侃母截髮得雙髮易饌以延客後世愈多今婦女悉戴之

面附額 顙

說文面顏前也顏眉目之間也顙面不正也顙短面也顙面黃也顙面瘦淺顙顙也赧面慙赤也黃庭經尺宅寸田可治生注尺宅面也寸田兩眉間為上丹田心

為絳宮田臍下三寸為下丹田 黃庭經天中篇靈宅  
既清玉帝遊梁丘子注面為靈宅一名大宅以眉目口  
之所居故為宅 大洞經面為赤宅 程大昌演繁露  
文選載枚乘七發說太子以遊獵之可樂而太子陽氣  
見於眉宇之間侵淫而上滿於大宅也既曰陽氣自眉  
宇而上滿於大宅即必在眉兩間矣五臣注劉良曰大  
宅面也 黃帝素問人面獨能耐寒何也曰頭者諸陽  
脉之會也諸陰脉皆至頸項還不上獨諸陽一脉上頭

故面能寒耳 靈樞經諸陽之會皆在於面十二經脉  
三百六十五絡其血氣皆上於面而走空竅其精陽氣  
上走於目而為睛其別氣走於耳而為聽其宗氣上出  
於鼻而為臭其濁氣出於胃走唇舌而為味其氣之津  
液皆上燻於面而皮又厚其肉堅故天氣甚寒不能勝  
之也 真誥九華真妃云面者神之庭心悲則面焦所  
以精元內喪丹精橫竭妾有童面之經 草木子脉勇  
怒則面青骨勇怒則面白血勇怒則面赤飲酒者肝氣

微則面青心氣微則面赤 河圖蒼帝方面赤帝圓面

白帝廣面黑帝深面 山海經大荒之山日月所入有

人焉三面是顙頊之子三面一臂

無左臂也

三面之人不死

言人頭三邊各有面也

荀子仲尼之狀面如蒙俱閼天之狀面

無見膚伊尹之狀面無須麋注俱方相也其首蒙茸故

曰蒙俱須麋與鬚眉同

修道經佛面光如金花 異

苑賈弼夢易其頭遂能半面笑半面啼

北史崔陵字

長儒面如刻畫

異苑陳郡謝石字石奴少患面瘡中

宵有物來舐其瘡隨舐隨除既不見形意謂是龍而舐處悉白故世呼為謝白面 五代史補梁武帝刑法志刳身皆斬妻子補兵遇赦降死者黥面為刳字劉仁恭據盧龍悉取男子十五以上為兵涅其面曰定霸都士人涅其臂曰一心事主盧龍閭里為空得衆計二十萬人軍人刺面自仁恭始健兒文面自梁太祖始 西京雜記卓文君臉際若芙蓉 歸田錄昭君村生女皆炙其面 焦氏類林漢張芒女名麗英面有奇光不照鏡但

對白紈扇如鑑焉 鄉媛記夜來初入魏宮一夕文帝  
在燈下詠以水晶七尺屏風障之夜來至不覺面觸屏  
上傷處如曉霞將散自是宮人俱用胭脂倣畫曉霞粧  
酉陽雜俎吳孫和寵鄧夫人嘗醉舞如意誤傷鄧頰  
血流嬌惋彌苦命太醫合藥言得白獺髓合玉與虎魄  
屑當滅此痕和以百金購得白獺乃合膏虎魄太多及  
差痕不滅左頰有赤點如痣 南史梁徐妃以元帝目  
眇每知帝將至必為半面粧以俟帝見則大怒而出



王仁裕天寶遺事宮中嬪妃輩施素粉於兩頰相號為  
淚粧識者以為不祥後有祿山之亂粧臺記美人粧  
面既傳粉復以胭脂調勻掌中施之兩頰濃者為酒暈  
粧淺者為桃花粧薄薄施朱以粉罩之為飛霞粧梁簡  
文詩云分粧間淺靨繞臉傅斜紅則斜紅繞臉即古粧  
也劉熙釋名以丹注面曰的的灼也此本天子諸侯  
羣妾當以次進御其有月事者止不御重以口說故注  
此於面灼然為識女史見之則不書其名於第錄也

酉陽雜俎今婦人面飾用花子起自昭容上官氏所製以掩黥迹大歷已前士大夫妻多妬悍者婢妾小不如意輒印面故有月黥錢 丹鉛錄說文靨頰輔也洛神賦明眸善睐靨輔承權自吳宮有獺髓補痕之事唐韋固妻少時為盜刃所刺以翠掩之女粧遂有靨飾 酉陽雜俎婦人粧如月形名黃星靨 陶穀清異錄江南晚李建陽進茶油花子大小形製各別極可愛宮嬪鏤金於面皆以淡粧以此花餅施於額上時號北苑粧

談苑契丹鴨綠水牛魚鰾製為魚形婦人以綴面花

炎徼紀聞瑤人古八蠻之種婦人黥面為花卉蝴蝶狀

額 劉熙逸雅額鄂也有垠鄂也故幽州人則謂之鄂

也 毛詩螭首注額廣而方正 魏了翁古今考經傳

有額有角未有稱額者曰額曰顏亦後世之稱 管子

子產日角晏平仲月角尾生犀角柳下惠史魚反角注

日言滿月言闕犀直骨隱起犀角在中也反謂拗骨也

論語誤考識顏回有角額似月形 論語摘輔象顏

回山庭日角曾子珠衡犀角 香案牘司馬承禎額上  
小日如錢耀射一席 南史文身國人體有文如獸其  
額上有三文文直者貴小文者賤 史記越世家注雕  
題謂刻其額涅以丹青也 庶物異名疏粉題婦人額  
也見太玄經 異苑晉安帝義熙中魏興李宣妻樊氏  
懷妊過期不孕而額上有瘡兒穿之以出

頤 劉熙釋名頤養也動於下止於上上下下咀物以養  
人也 揚雄傳頤頤折頤師古注頤曲頤也音欽 逸

雅輔車其骨強所以輔持口也或曰牙車牙所載也或曰頷頷含也口含物之車也或曰頰車亦所以載物也或曰鼪車鼪鼠之食積於頰人食似之故取名也凡繫於車皆取在下載上物也 河圖帝嚳方頤黃帝兌頤庶物異名疏輔上頷也易曰咸其輔頰舌 雲笈七籤頤下神三人太陰神也 物類相感志人或下頤無故搔癢不可止當食異物不然有饋珍鮮

眉

劉熙逸雅眉媚也有斌媚也

春秋元命苞天有攝提

人有兩眉為人表候陽立於二故眉長二寸注攝提兩

星頗曲人眉似之也 類雋人年老必有毫眉秀出者

故謂毫眉 三元真一經眉者日元之華蓋 雲笈七

籤眉間神三人南極老人元光天靈君也 王莽傳盱

衡厲色孟康注眉上曰衡盱衡舉眉揚目也 勝天王

經佛自說八十種好相眉高而長形如初月紺琉璃色

瓔珞經佛眉象珠火 陳繼儒太平清話如來眉間

有白毫相猶如珂雪長一丈五尺毫有八楞周圍五寸其毫中空右旋宛轉如琉璃洞

古人眉 抱朴子有古強者自云已四千歲云見堯舜禹湯說之了了世云堯眉八彩不然也直兩眉頭甚豎似八字耳 帝王世紀文王虎眉 秘笈呂望芝眉

世家孔子眉十二彩 法輪經老子眉有北斗其色翠綠其間紫毛長五寸餘 吳越春秋伍子胥眉間廣一尺 列士傳莫耶子赤鼻眉間一尺又干將子赤鼻眉

廣三寸 東觀漢記天鳳五年樊崇起兵於莒皆朱其  
眉由是號曰赤眉 襄陽耆舊傳馬氏五常白眉最良  
馬良眉中有白毛故以稱之 晉載記劉曜生而眉白  
南史簡文帝雙眉翠色 金臺錄朱泚眉分九聚相  
者告以大貴信之 天中記毛若虛眉毛覆於眼性殘  
忍天寶末為武功丞 唐書李賀字長吉為人纖瘦通  
眉

女人眉 事物紺珠紅粧翠眉始始皇時 粧臺記漢



武帝令宮人掃八字眉 葛洪西京雜記卓文君姣好  
眉色如望遠山 東觀漢記明德皇后眉不施黛獨左  
眉小缺補之以縹 崔豹古今注梁冀婦改鴛翠眉為  
愁眉愁眉者細而曲折 粧臺記魏武帝令宮人掃青  
黛眉連頭眉一畫連心細長謂之仙娥粧齊梁間多效  
之 孔氏雜說周宣帝禁天下婦人不得施粉黛自非  
宮人皆黃眉墨粧所謂鉛黃以此歟 留青日札後周  
靜帝令宮人黃眉墨粧庾信詩眉心濃黛直點額角輕

黃細安盧照鄰詩纖纖初月上鴉黃又云鴉黃粉白車  
中出司馬樵詩梅粉粧成半額黃蓋眉黃起於漢宮也

霏雪錄唐時婦女畫眉尚濶故老杜北征云狼籍畫  
眉濶或云言女幼不能畫眉狼籍而濶耳余記張司業  
倡女詞有輕髻叢梳濶掃眉之句蓋當時所尚如此諺  
曰宮中好廣眉四方且半額 楊慎外集唐明皇令畫  
工畫十眉圖一曰鴛鴦眉又名八字眉二曰小山眉又  
名遠山眉三曰五岳眉四曰三峯眉五曰垂珠眉六曰

月稜眉又名卻月眉七曰分稍眉八曰涵烟眉九曰拂  
雲眉又名橫烟眉十曰倒暈眉 粧臺記五代宮中畫  
眉一曰開元御愛眉 清異錄范陽鳳池院尼童子年  
未二十穠艷明俊頗通賓游創作新眉輕纖不類時俗  
人以其佛弟子謂之淺文殊眉 清異錄瑩姐平康妓  
也玉淨花明尤善梳掠畫眉日作一樣唐斯立戲之曰  
西蜀有十眉圖汝眉癖若是可作百眉圖更假以歲年  
當率同志為修眉史矣有細宅一作眷而不喜瑩者謗

之為膠煤變相自昭哀來不用青黛掃拂皆以善墨火  
煨染指號薰墨變相

目

易說卦離為目 劉熙逸雅目默也默而內識也眼限  
也童子限限而出也睫插接也插於眼眶而相接也瞳  
子瞳重也膚幕相裏重也子小稱也主謂其精明者也  
或曰眸子眸冒也相裏冒也 越世家目見毫毛而不  
見其睫 索盞傳不交睫師古注睫目旁毛也 韓非

子目見百步之外而不能見其眚 漢書報眚眦怨注

眚舉眼也眦即眚字謂目眚也言舉目相忤者即報之

也 庶物異名疏闌干眼眶也白樂天歌曰玉容寂寞

淚闌干 甘泉賦玉女無所眇其清矐兮注清矐目瞳

子也 趙崇絢雞肋道家以目為銀河 雲笈七籤人

之目左為司徒公右為司空公 黃庭經眼神明上字

英玄 雲笈七籤兩目神六人日月精也左目字英明

右目字玄光又目神名朱映又目神名虛監生字道童

形長三寸六分衣五色 靈樞經岐伯曰五藏六府之精氣皆上注於目而為之精精之窠為眼骨之精為瞳子筋之精為黑眼血之精為絡其窠氣之精為白眼目者榮衛魂魄之所常營也神氣之所生也是故目者心使也心者神之舍也 抱朴子或問明目之道抱朴子曰能引三焦之昇景召大火於南離熨之以陽光及燒丙丁洞視符以酒和洗之古人曾以夜書也或苦酒煮蕪菁子令熟暴乾末服方寸匕日三盡一斗能夜視有

見矣或以犬膽煎青羊斑鳩石決明充蔚百花散或以雞舌香黃連乳汁煎注之諸有百疾之在目者皆愈而更加精明倍常也 白虎通肝象木色青而有枝葉目為之候何目為出淚而不能內物木亦能出枝葉而不能有所內也 真誥九華真妃云眼者身之鏡視多則鏡昏妄有磨鏡之石 新書物之始形也先分而為目目成也形乃從是以在人者莫精於目目清而潤澤若濡無毳穢雜焉故能見也 青箱雜記人之心相外見

於目睛色雜而光浮淺者心不定無信人也睛色光彩  
溢出者聰明人也睛色紫黑而光彩端諦者好隱遁人  
也睛色黃瞻視端直者慕道術人也睛多光而不溢不  
散徹而視瞻端正者亦慕道人也睛急眊者若不嫉妬  
則虛妄人也 北史魏御史賈子儒曰人身七尺之形  
不如一尺之面一尺之面不如一寸之眼 述仙記八  
月一日作五明囊盛百草露以洗眼 珍珠船常以雞  
鳴時念目中各有一人成三寸黑衣而立名念眼令人



見萬里外事 真誥名在瓊簡者目有綠筋名在星書  
者眼有四規 物類相感志人或將鳥目研注目中夜  
則見鬼物又鵝鳥目吞之令人夜中見物信天鳥實靈  
禽號唯怪鳥注眼生吞之必驗 涅槃經有盲人詣良  
醫醫者即以金銳刮其眼膜使復明 晉書景王嬰孩  
時有目疾宣王令華佗治之出眼瞳割去疾而納之傳  
藥 倦游雜錄凡視五色皆損目惟黑色無損李氏有  
江南日中書皆用卑羅糊屏風所以養目也 物類相

感志人或目瞤有吉凶不常若他人思已則動或彼咒  
詛動占法時別 珍珠船箋云睡是眼之食七日不眠  
眼則枯

古人目 孝經援神契伏羲大目 春秋孔演圖蒼頡

四目は謂並明大舜重瞳子是謂重明 孫卿子堯舜

三眸子 史記項羽亦重瞳子 劉子顏回重瞳 王

莽傳莽重瞳子 北史隋魚俱羅相表異人目有重瞳

涼州記呂光身長八尺四寸目重瞳子 梁書沈約

左目重瞳子 南唐書李後主煜重瞳子 五代史梁  
康王友孜目重瞳子 五代史漢高祖目多白睛凜如  
也 南史褚彥回眼睛白多所謂白虹貫日亡宋者終  
此人也 新唐書張公素允仲性暴厲眸子多白燕人  
號白眼相公 五代史李克用少驍勇軍中號曰李鶚  
兒一目眇及其貴也又號獨眼龍 五國故事王延稟  
審知之養子眇一目人亦謂之獨眼龍 漢書東方朔  
目若懸珠 神仙傳涉正字玄真漢末從二十弟子八

吳莫有見其開目者開目之時有音如霹靂而光如電  
照已復還閉目 晉書王戎視日不眩裴楷曰戎眼爛  
爛如岩下電 名義考晉書阮籍能為青白眼母死嵇  
喜來弔籍作白眼弟康齋酒挾琴造焉籍大悅乃見青  
眼故後人有青盼垂青之語人平視睛圓則青上視睛  
藏則白上視怒目而視也 晉書桓溫傳劉惔常稱之  
曰溫眼如紫石稜 葛洪神仙傳李根兩目瞳子皆方  
仙經云八百歲則瞳子方 南史仙書云眼方者壽千

歲陶弘景末年一眼有時而方類雋武攸緒晚年瞳  
有紫光晝能見星南史徐陵目有青睛時人以為聰  
慧之相也又馬樞目精洞黃能視闇中物杜陽雜編  
羅浮先生軒轅集年過數百而顏色不老坐於暗室則  
目光可長數丈南史宋廢帝挑取劉義恭眼睛以蜜  
漬之為鬼目粽吳越備史唐立武選以擊毬較其能  
否置鐵鈎於毬仗以相擊周寶嘗與此選為鐵鈎所摘  
一目睛失寶取睛吞之復擊毬獲頭籌遂授涇原勅賜

木睛以代之一日晨起漱木睛墜水棄之注木睛不知何木置目中無所礙視之如真睛矣 太平御覽唐崔蝦失一目以珠代之施肩吾嘲之曰二十九人及第五十七眼看花 彙苑詳註陶穀夢人以二丸藥換雙眼後相者曰貴人骨氣奈二隻鬼眼以此不至大位

附 小史集雅胎生者眼胞自上而瞑 山海經一臂國為人一目中其面而居 偃曝談餘獐狐烏瞳人其狀赤色故夜見晝不見人目中瞳人黑色故晝見夜不

見犬馬瞳人黃色故晝夜俱見諸魚目中瞳人眇淚所  
覆故水見陸不見人目中瞳水泡所成故陸見水不見  
龜鼈蝦蟇水蛭瞳人骨之所成故水陸俱見也 皇極  
經世走之類上睫接下飛之類下睫接上類使之然也  
注走地類陰有餘也飛天類陽有餘也

耳

易坎為耳 春秋元命苞耳者心之候 逸雅耳形也  
耳有一體屬著兩邊形然也 真誥嬌女耳神名

黃庭經耳神空閑字幽田 真誥九華真妃曰耳者身  
之牖聽衆則牖閉要有決牖之術 白虎通心象火色  
赤而銳也人有道尊天本在上故心下銳也耳為之候  
何耳能遍內外別音語火照有似於禮上下分明 夷  
門廣牖耳乃腎之餘 抱朴子或問聽耳之道抱朴子  
曰能龍導虎引熊經龜咽燕飛蛇屈鳥伸天俛地仰令  
赤黃之景不去洞房猿據兔驚千二百至則聰不損其  
既聾者以玄龜薰之或以棘頭羊糞桂毛雀桂成裏塞



之或以狼毒治葛或以附子蔥涕合內耳中或以蒸鯉  
魚腦灌之皆愈 物類相感志人或夜臥夏坐多為百  
蟲入耳為患用兩刀耳邊以刃相擊築聲其蟲必出又  
人耳急鳴似擊銅器之韻者同歲人死俗占尤為徵驗  
登真隱訣人覺耳鳴者外使入也赤子帝君命兩耳  
神女雲儀鐘磬以聞九宮使知外人未入令警備也鐘  
磬者即今耳鳴之聲音也或有魔邪惡氣欲入者守十  
二神先鳴鈴以聞帝君乃命耳神響告九宮今人耳鳴

者便掩耳以兩手掩而拍之面熱乃佳候也 物類相  
感志俗間云耳璫熱他人罵我也不然談已之美則應  
於聽門也 樊氏相法人耳困長寸三壽百三十歲一  
寸壽百歲如豆生即死耳門前有仙人杖四理一百歲  
三理八十二理六十耳門不容麥百歲 長沙耆舊傳  
太尉劉壽少遇相師曰耳為天柱今君耳有城郭必典  
家邦 淮南子禹耳三漏是謂大通 抱朴子老君耳  
長七寸 瀨鄉記老子耳有三門 列仙傳務光夏時

人耳長七寸陽都女耳細而長衆皆言此天人也 蜀  
志先主顧自見其耳 五代史蜀後主王衍方頤顧自  
見耳 仇池筆錄歐陽公耳白於面名滿天下 拾遺  
記沐胥國人左耳中出青龍右耳中出白虎龍虎初出  
之時如繩緣賴手持面如龍虎皆飛去地十餘丈而雲  
氣繞龍風吹虎俄而以手一揮龍虎皆還入其耳 拾  
遺記秦始皇好神仙有羽人乘蠡舟而至方耳出於項  
間 漢武紀應劭注儋耳者大耳種也其渠率耳垂肩

三寸 山海經有大耳國其人寢常以一耳為席一耳為衾 博物志南方有飛頭民其頭能飛以耳為翼 太平廣記兗州張審通嘗為泰山府君所召令為詞判 錄申天曹天曹允之府君悅問曰子何願曰特更欲聰 明耳乃命取一耳安其額上既寤覺頗痒踊出一耳尤 更聰時人曰天有九頭鳥地有三耳秀才亦呼為難冠 秀才 幽怪錄薛君曹見二青衣駕赤犢出耳二童子 曰兜玄國在吾耳中一童子傾耳示君曹乃別有天地

花卉因捫耳投之至一都會城池樓堞窮極瑰麗因作  
思歸賦自童子耳中落見聞錄永樂中吳城有一老  
父偶治耳於其中得五穀金銀衣服器皿等諸物凡得  
一箕後更治之無所得視其中已潔淨唯其正中有一  
小木校椅製精妙椅上坐一人長數分亦甚有精氣其  
後亦無別異祝枝山志怪錄葑門一嫗年逾五十令  
人剔其耳耳中得少絹帛屑以為偶遺落其中已而每  
治耳必得少物絲花穀粟稻穗之屬為品甚多始大駭

怪久亦任之且每收貯至年七十有八而卒算其所得  
耳物幾一斛焉

鼻

附人中

養生經鼻者心之門 白虎通鼻者肺之使 逸雅鼻  
嚙也出氣嚙嚙也 黃庭經鼻神玉壑字靈堅亦曰玉  
廬 四命鼻神名冲靈玉字道微 酉陽雜俎鼻神一  
名勇廬見龍魚河圖 文穎高紀注準鼻也 真誥鼻  
中隅之祭名曰山源山源者一名鬼井一名神池一名

邪根一名魂臺也 三元真一經鼻者三元之丘山

黃庭經天中之岳謂鼻也一名天臺 周祈名義考方  
言梁益謂鼻為祖獸之初生其鼻先見故謂鼻為祖

鴻書人懷胎鼻先受形 真誥鼻如玄山仙相也 物

類相感志鼻者肺之門通華蓋之氣人或閉口候鼻之  
息一緩一急若直而急則陽時也若緩而散則陰時也  
候之法以子為陽以丑為陰寅陽卯陰依此例以率之  
則候正也 白虎通肺象金色白也鼻為之候何鼻出

入氣高而有竅山亦有金石累積亦有孔穴出雲布雨  
以潤天下雨則雲消鼻能出入氣也 論衡鼻不知晷  
為鼻

古人鼻 法輪經老子鼻有雙柱形如截筒 孝經援  
神契伏羲山準禹虎鼻 史記始皇蜂目長準 史記  
高祖為人隆準而龍顏 三輔故事衛太子獄鼻 天  
中記謝安本能為洛下書生詠有鼻疾故其音濁 北  
史王氏世顰鼻江東謂之顰王王慧龍鼻漸大崔浩曰



真貴種 長沙耆舊傳太尉壽少遇相師謂曰凡鼻為  
氣戶君鼻大貴之象也 孫光憲北夢瑣言王庭湊酒  
困寢於路隅駱山人過熟視之曰貴當裂土君鼻中之  
氣左如龍而右如虎龍虎氣交王在今秋是年果為留  
後 賢奕編元載不飲人以針挑鼻尖出一小蟲謂之  
酒磨即日飲一斗 異物志狼臙之民夜為市以鼻嗅  
金之好惡 溪蠻叢笑犵狁飲不以口而以鼻名曰鼻  
飲 類雋南蠻有穿鼻種以金環徑尺貫其鼻下垂過

顧君長以絲繫環人牽乃行其次以二花頭金釘貫鼻  
下出

人中 劉熙逸雅鼻下曰立人取立於鼻下狹而長似  
人立也 七修類藁人居天地之中天氣通於鼻  
地氣通於口天食人以五氣鼻受之地食人以五味口  
受之此穴居中故云若曰人有九竅自人中而上皆雙  
自人中而下皆單故云此則可名為竅中矣

口 附唇 齒 舌 喉

說文口人之所以言食也 列子口者言之門 易說  
卦兌為口 尹公內解口為華池 黃庭經口為天關  
精神機 鬼谷子口者機關也所以開閉情意也 三  
元真一經口者絳宮之朱源 釋名口下曰承漿漿水  
也 雲笈七籤口旁神二人厨宰守神也口中神一人  
太一君也字丹朱 白虎通脾象土色黃也口為之候  
何口能啖嘗舌能知味亦能出音聲吐滋液 名義考  
據說文口上阿也通俗文云口上曰喙口下曰函校獵

賦注口中之上下曰腭齶廣韻口中斷齶梵書作齶謂  
齒內上下肉也是腭者通指口中之上下分之則上為  
腭下為函斷通指齒根之內外分之則內為齶養生  
經軍營之中有甘泉軍營口也甘泉唾也 相書雜要  
口大容手赤如朱丹貴而且壽欲知人多言舌當視其  
口如鳥喙言語皆聚此多舌人也

古人口 孝經援神契孔子海口 論語摘輔相子貢  
斗繞口 大智論佛口色如珊瑚 瀨鄉記老子方口

史記韓非口吃不能道說而善著書 漢書司馬相  
如口吃而善著書 漢書周昌為人吃 漢揚雄傳雄  
口吃不能劇談而好深湛之思 魏志鄧艾以口吃不  
得作幹佐為稻田守叢草吏 後周鄭偉傳偉口吃嘗  
逐鹿於野失之遇牧豎而問焉牧豎答之其言亦吃偉  
怒謂其效已遂射殺之 玉泉子唐丁稜口吃及第引  
見致詞本言稜等登科乃曰稜等登稜等登竟不能發  
其後語而罷友人戲之曰君善筭耶 倦游錄王汾口

吃劉放嘲曰恐是昌家又疑非類不見雄名唯聞艾氣  
以周昌韓非揚雄鄧艾皆吃也 吳越春秋越王勾踐  
嘗吳王洩惡後遂病口臭范蠡令左右食岑草以亂其  
氣 漢官儀桓帝時侍中刁存年耆口臭上出雞舌香  
使含之 唐書則天謂崔融曰非不知宋之間有奇才  
但恨有口過耳口過謂口臭也

唇 春秋元命苞唇者齒之垣 列子唇者舌之藩  
釋名唇緣也口之緣也吻免也入之則碎出則免也又

取拔也漱澹所出恒加收拭因以為名也 勝天王經

佛自說八十種好相唇色潤澤如頻婆果 晉書魏詠

之字長道生而免缺 撫言方干為人唇缺遇醫補唇

年已老矣人號曰補唇先生 瑣言杜紫微唇厚不稱

才名 仇池筆錄歐陽公唇不著齒無事得謗 五行

志元和末婦人不施朱粉惟以烏膏注唇狀似悲啼者

粧臺記僖昭時都下競事粧脣婦人以此分妍否其

點注之工名字差繁其畧有燕脂暈品石榴嬌大紅春

小紅春嫩吳香半邊嬌萬金紅聖檀心露珠兒內家圓  
天宮巧洛兒殷淡紅心猩猩暈小朱龍格雙唐媚花奴  
樣子

齒 釋名齒始也少長之別始乎此也以齒食多者長  
食少者幼也牙搯牙也隨形言之也 楊泉物理論夫  
齒者年也身之寶也藏之斧鑿所以調諧五味以安性  
氣者也 說文齟毀齒也男八月生齒八歲而齟女七  
月生齒七歲而齟 三元真一經齒者胃宮之威力



夷門廣牘齒乃骨之餘 曲禮笑不至矧注齒本曰矧  
海錄碎事齒本曰哂大笑開口則見故哂謂之笑也  
雲笈七籤齒神名丹朱有患呼之九過惡自却 黃  
庭內經牙神皓華字虛成齒神齟鋒字羅千 抱朴子  
或問堅齒之道抱朴子曰養以華池浸以醴液清晨建  
齒三百過者永不搖動次則含地黃煎或含玄膽湯及  
蛇脂丸礬石丸九棘散則已動者更牢有蟲者即愈服  
靈飛散可令脫者更生 河圖帝嚳駢齒 元命苞武

王駢齒 太平清話俗傳伍子胥美齒牙避楚至護牙  
山恐為人所識以石擊毀其牙山神為震因名護牙山  
晉書杜皇后少有姿色然長猶無齒求婚者輒中止  
及帝納采之日一夜齒盡生 梁冀傳孫壽能為齟齬  
笑 北史齊武成帝生齟牙問諸醫以實對武成撻之  
徐之才拜賀曰此是智牙生智牙者聰明長壽武成賞  
之 唐書張巡每戰大呼嚼齒皆碎及尹子奇視之其  
齒存者不過三四 法輪經老子齒如編貝其堅如銀

數有六八上下均平 止戈集孔戔好術藝延接方士  
多所傳授能口中現五色齒綠色光絢一瞬即改 孔  
六帖明皇謂高力士曰吾聞飲堇無苦者奇士也時天  
寒因取以飲張果三進頽然曰非佳酒也乃寢頃視齒  
焦縮顧左右取鐵如意擊墮之藏帶中更出藥傅其斷  
良久齒已生粲然駢潔帝益神之 安宇僧伽羅刹經  
如來齒上有千輻輪相 西域記梵衍那國度大雪山  
東寺有佛齒及刳初獨覺齒長五寸廣四寸又有金輪

王齒長三寸廣二寸 五代史趙鳳傳唐明宗時有西域僧得佛牙以獻明宗以示大臣鳳言世傳佛牙水火不能傷因以斧斫之應手而碎是時宮中施舍已及數千因鳳碎之乃止 聞見近錄咸平縣有僧藏佛牙一株其大兩指許淡金色余嘗請而供之須臾舍利自牙中出初如露巡行牙上或遠數十步求者輒得余請至四十八粒欲求為四十九粒經夕不可得明日發篋則已足其數 留青日札西湖法相寺中藏一異齒其大

如拳正碧綠色透明山僧云是佛牙其狀如盤牙想是  
西域異獸口中者且云此佛丈六金身如有此牙則須  
十六丈長乃可容此頭也古人所載那衍國有金輪王  
齒長三寸豈是物耶 太平清話陸五臺官南司寇時  
有僧携佛牙至公命以金絲籠紫檀龕裝供天戒寺中  
余曾見之闊寸餘長二寸許僧見有光發瓦礫中掘得  
之 留青日札黑齒東夷漆齒西夷戰國策黑齒雕題  
大吳之國也吳都賦黑齒之酋注云西屠以草染齒染

白作黑今芒市長官司多以酸石榴皮以藥染成黑齒人但知雲南有金齒不知又有銀齒見唐書又嵇康養生論齒居晉而黃天中記醫說云晉地多素人常置之懷袖中若粵人之噉檳榔味甘傷脾故齒黃也

舌養性經舌者和之候也逸雅舌泄也舒泄所當言也舌卷也可以卷制食物使不落也元命苞舌之為言達也陽立於三故舌在口中者長三寸象斗玉衡陰合有四故舌淪入嗑內者長四寸三元真一經舌

者元英之龍轅 雲笈七籤舌神名始梁峙字道岐形  
長七寸正赤色 黃庭內經舌神通命字正倫 相書  
雜要吐舌及鼻三公之位舌如絳赤者賢人也 孝經  
鈎命訣仲尼舌理七重 偃曝談餘梁武舌文八字

宋書南都王義宣生而舌短言澁 神異錄夔州道士

王法朗舌長呼字不正乃日誦道德經忽夢老君剪其  
舌既覺語遂正 法輪經老子舌長且廣形如錦文玉  
泉充溢其味甘香 大智論佛舌相色如珊瑚 佛經

諸佛出廣長舌能覆於面能遍覆三千大千世界 廣

異記則天時西國獻辟支佛舌青色大如牛舌 廣博

物志岐舌國在不死國東

其人舌皆岐或云支舌也

拾遺記太始

二年西方有因霄之國人皆善嘯丈夫嘯聞百里婦人

嘯聞五十里如笙竽之音秋冬則聲清亮春夏則聲沉

下舌尖倒向喉內亦曰兩舌重沓以爪徐刮之則嘯聲

愈遠呂覽云反舌殊鄉之國即此 搜神記永嘉中有

天竺胡僧能斷舌先吐舌示賓客然後刀截血流覆地



乃取置器中傳示人取舌還含有頃如故 山堂肆考  
唐金舌和尚趙人睿宗開成間三召不至乃截其舌以  
進上即命焚之乃為金舌夜蛾經如故遂以金舌名之  
太平清話石斗山法華寺寺碑載樵者掘地得石函  
藏一童子舌不壞上生蓮花一枝

喉 庶物異名疏孫子批亢擣虛亢喉嚨也黃庭經重  
堂煥煥揚八威梁丘子云重堂喉嚨名一曰重樓亦名  
重環喉嚨在心上故曰重堂 釋名咽咽物也嚨在頤

纓理之中也青徐謂之臙物投其中受而下之也又謂之噓氣所流通阨要之處也雲笈七籤喉神名百流放字道通形長八寸八分九色衣三昧經佛咽喉如琉璃筒酉陽雜俎許州有一老僧自四十歲後每寢熟即喉聲如鼓簧若成均節許州伶人伺其寢即譜其聲按之絲竹皆合古奏僧覺亦不自知二十餘年如此朝野僉載洛州有士人患應病語即喉中應之以問善醫張文仲經夜思之乃得一法即取本草令讀之皆

應至其所畏者即不言仲乃錄取藥合和為丸服之應時而愈

鬚

釋名口上曰髭髻姿也為姿容之美也頤下曰鬚鬚秀也物成乃秀人成而鬚生也亦取須體幹長而後生也在頤耳旁曰髯隨口動搖髯髯然也 七修類藁人之鬚髮血之餘也各有所屬髮乃太陽之毛也太陽屬心火火炎上故上生眉乃少陽之毛少陽屬肝木木多旁

枝故側生鬚乃陽明之毛陽明屬腎水水流下故下生  
少年而黑者血色黑中則變白者白氣色也老盡白者  
血耗而氣存之時矣 酉陽雜俎鰲為臞數食可長鬚  
南史梁何敬容嘗以膠清刷鬚 孔六帖嘉興釋子  
希適深於繕生之術能用日辰可代藥石為韋敷鑷白  
請鑷其半及生色若鰲矣座客有祈鑷者僧言取時稍  
差拔後鬚色果帶綠 晉書張華多姿制好帛繩纏鬚  
南史崔文仲嘗獻齊高帝纏鬚繩一枚 唐書李勣

病驗方鬚灰可以療之太宗乃自剪鬚為其和藥 毛  
詩其人美且偲注偲多鬚之貌 名義考左傳于思于  
思棄甲復來注于思多鬚貌按廣韻髣髴多鬚也作不  
思于當是不之訛 典略黑山黃巾諸帥自相號字饒  
鬚者則自稱于鞞根 寰宇志多髯者謂之殺公

古人鬚 帝王世紀庖羲鬚垂委地 孔叢子舜身修  
八尺有奇而頷無毛 左傳靈王生而有頷 羣碎錄  
孔子無鬚孔叢子子思告齊君先君生無鬚眉天下侯

王不以此損其敬今像多鬚誤 晉史劉琰稱桓溫鬚  
作蝟毛磔 金罍子晉王彪之年二十鬚髣皓白時人  
謂之王白鬚後卒年七十三 酉陽雜俎太宗虬鬚嘗  
戲張弓掛矢 異識資諧關雲長美髯髯內一鬚尤長  
二尺餘色如漆索而勁常自震動必有大征戰公在襄  
時夜夢一青衣神辭曰我烏龍也久附君身以壯威武  
今君事去矣我將先往語畢化為烏龍駕雲而去公寤  
而怪之至夜公走麥城與吳兵對天曙捋鬚失其長者

始悟前夢至晉太始元年樊城大旱祈雨無驗有司夢  
黑衣神自稱鬚龍能為我立廟當致雨以救民有司度  
請至午果雨淡雲中烏龍現身遂為創祠掘址得一長  
鬚意即龍也遂以塑於龍神頸中題其廟曰鬚龍廟

隋唐嘉話晉謝靈運鬚美臨刑施為南海祇恒寺維摩  
詰鬚寺人寶惜初不虧損中宗朝安樂公主鬪百草欲  
廣其物色令馳驛取之又恐為他人所得因剪棄其餘  
遂絕北史王頒發陳武帝陵見其鬚皆不落本皆出

自骨中

女人鬚 趙崇絢雞肋唐李光弼母有鬚數十長五寸  
許封韓國太夫人 宋史豐樂樓酒保朱氏子之妻年  
四十餘忽生髭長六七寸疏秀而美宛然一男子特詔  
度為女道士 偃曝談餘鄭陽一婦人美色生鬚三繚  
約數十莖長可有數寸許人目為鬚娘云

格致鏡原卷十一



欽定四庫全書

格致鏡原卷十二

大學士陳元龍撰

身體類二

頸項 附肩

釋名項确也堅确受枕之處也頸偃也偃挺而長也

雲笈七籤項中神二人字上間頸外神二人玉女君也

南史梁簡文帝項毛左旋 河圖黑帝修頸 毛詩

領如蝤蛸注言白而長也 晉書初攻江陵吳人知杜

預病癭憚其智計以瓠繫狗頸示之每樹似癭輒砍使  
白題曰杜預頸及城平盡捕殺之 張舜民畫墁錄郭  
祖少時有道士善雕刻郭令刺之即於項右作雀左作  
穀粟曰爾俟雀銜穀即亨顯之時也世號為郭雀兒秉  
旄之後雀穀稍近登位之後雀遂銜穀

肩 釋名肩堅也甲闔也與肩脇皆相會闔也 趙崇  
絢雞肋道家以兩肩為玉樓

胃

附乳

脇

臍

青

釋名胃猶啞也啞氣所衝也臆猶抑也抑氣所塞也膺壅也氣所壅塞也 雲笈七籤胃中神二人虎賁神也

帝王世紀禹母吞神珠胸拆而生禹 論語摘輔象

孔子胸應矩是謂儀古 孔演圖孔子之胃文曰制作

定世符 酉陽雜俎太極真仙中名在青琳者胃有偃

骨 事林廣記貫胃國在盛國之東其人胃有竅尊者

去其衣令卑者以物貫其胃擡之

乳 吳元滿總要乳音汝胃酥也 雲笈七籤兩乳下

日月也日月中有太神各一人王父母也 河圖蒼帝并乳 北史昭成皇帝什翼犍生而奇偉卧則乳垂至席 南史王敬則年長而兩腋下生乳各長數寸 賢奕編佛圖澄左乳下一孔圍七寸以絮窒之夜欲讀書發絮則光照一室時時水邊引腸胃滌之復納於內

神仙服食經仙藥有陽丹有陰丹陰丹婦人乳汁也婦人十五已上下為月客有身月客絕上為乳汁 雜事秘辛梁商女曾乳菽發 楊妃傳楊妃出浴對鏡勻面

裙腰褪露一乳明皇捫弄曰軟溫新剝雞頭肉安祿山  
在旁對曰潤滑由來塞上酥 物類相感志母乳湏愛  
惜子之至則出愛疎則出少唐贊善大夫呂旬有母張  
氏八十餘旬不歸母念之忽乳汁自出 南史女人國  
入水則妊胸前無乳頂後生毛根白毛中有汁以乳子  
漢書李元遺孫失恃蒼頭李善代哺孫乳為湏 物  
類相感志則天朝孟景休有弟景禕在襁褓景休乳之  
乳為之溢又畢構為戶部尚書二妹俱在襁褓構自乳

之乳為之出飲至長成 唐國史補元魯山自乳兄子數日兩乳湮流兄子能食其乳方止

腹 書正義腹為五臟之總 說文腹厚也 逸雅腹複也富也腸胃之屬以自裹盛復於外複之其中多品似富者也 黃庭經腹為玉池 釋名自臍以下曰水腹水洿所聚也又曰少腹少小也比於臍以上為小也 真誥腹有玄丘者仙相也 北史冀州人語曰顯公鍾宋公鼓道暉履李洛姬肚謂之四大洛姬婦人也

通鑑安祿山腹垂過膝嘗自稱重三百斤

臍 雲笈七籤臍者人之命也一名中極一名太淵一

名崑崙一名特樞一名五城 釋名臍濟也腸端之所

限劑也 方書子初生所繫色斷之為臍帶一名命帶

胎在母腹臍連於胞胎息隨母胎出母腹臍帶剪斷真

氣屬之臍乾自落如瓜熟脫蒂以其當心腎之中前直

神闕後直命門故謂之臍也 畫墁錄馮暉少無賴有

道士善雕刻因令刺之於臍上作瓦中作雁數隻戒曰

爾於臍自愛雁出窻即亨顯之時也後秉旄雁自窻中累累而出

腋

釋名腋繹也言可張翕尋繹也雲笈七籤兩腋

下神二人魂魄兆神也

珍珠船魏凌風臺至高韋誕

書榜即日皓首榜有未正募整之有鈴下卒復登緣如

履平地詰之云無術但兩腋各有肉翅數寸

脅釋名脅挾也在兩旁臂所挾也肋勒也檢勒五臟

也左傳晉文公出亡至曹曹共公聞其駢脇欲觀其



裸浴薄而觀之注駢脇合幹也幹者脇肋骨也駢云者  
脇骨之生兩兩相竝也雲笈七籤兩脇神名辟假馬  
字道成形長四寸一分赤白色

腰逸雅要約也在體之中約結而小也馬廖疏楚

王好細腰宮中多餓死梁冀傳冀妻孫壽能作折腰

舞南史羊侃僂人張淨婉腰圍一尺六寸能掌上舞

又有孫荆玉能反腰帖地銜得席上玉簪

心  
附肝  
脾  
胃  
膈  
膽  
腸  
腎  
肺

白虎通心之為言任也任於恩也 釋名心纖也所識  
纖微無物不貫於心也 春秋元命苞心者火之精成  
於五故人心長五寸 子華子心之精為火其氣為離  
其色為赤其狀如覆蓮其神為朱鳥其竅上通於舌

白虎通心火之精也南方尊陽在上卑陰在下禮有尊  
卑故心象火色赤而銳也人有道尊天本在上故心下  
銳也 子華子火宿於心炎上而排下其神燥而無準  
人之暴急以取禍者心使之也 雲笈七籤心為絳宮

元陽府 黃庭經靈臺鬱藹望橫野注靈臺心也 雲  
笈七籤心神名為豪丘字陵陽子明又心神名煥陽昌  
字道明形長九寸色赤 黃帝書西方兵法心南方赤  
其人姓為張氏字巨明衣赤衣 黃庭內經心神丹元  
字守靈 珍珠船陶弘景欲使心正常以日出三丈錯  
手兩肩上以日當心中開暖則心正矣有姜伯真行  
道採藥值仙人仙人使平倚日中其影偏仙人曰子篤  
志學仙不信心不正之為失因教以此得道 獨異志

周興嗣為散騎常侍武帝出千言無章句令嗣次之因成千字文歸而兩目俱喪及死開視之心如掬燥泥

談苑羌人以心順為心白人以心逆為心黑人夷門

廣牘三蠻國其人不種田只食土死者埋之心肝肺不朽百年復化為人一說與無腎國民相類

肝 釋名肝幹也五行屬木故其體狀有枝幹也凡物以木為幹也 說文肝木藏也生於木魂所藏 白虎通肝之為言干也肝者木精木之為言牧也人怒無不

色青目脈張者是其效也 樂動聲儀五藏肝仁肝所以仁者何肝木之精也仁者好生東方者陽也萬物始生故肝象木色青而有枝葉目為之候 子華子肝之精為木其氣為震其色青其狀如懸瓠其神為蒼龍其竅上通於目 子華子木宿於肝觸突干抵而銳其神狷束而無當人之樸慙以取禍者肝使之也 雲笈七

籤肝為清冷宮蘭臺府 黃庭內經肝神龍烟字含明 黃帝書西方兵法肝東方青其人姓為婁氏字君明

衣青衣 雲笈七籤肝神名開君童字道青形長六寸  
色青黃又肝神名為方長宜字子元

膈 釋名膈塞也塞上下使氣與穀不相亂也

膽 黃庭經膽為中池 雲笈七籤膽為紫微宮無極

府 黃庭內經膽神龍曜字威明 雲笈七籤膽神名

龍德拘字道放形長三寸六分色青黃綠 世語姜維

死時見剖膽如斗大 南史東陽人李瞻起兵為賊所

執破出肝腸其膽乃如升焉 馬觀瀛涯勝覽王當賀

日以人膽汁沐浴將領獻人膽為禮 賢奕編象膽按  
四時在四足熊膽亦在四足魚膽春夏近上秋冬近下  
蚺蛇膽隨擊而護

肺 釋名肺敦也言其氣敦鬱也 白虎通肺之為言  
費也 雲笈七籤肺為玉堂宮尚書府 子華子金宿  
於肺磬匄而不屈磬而不能仰也其神闊疎而無法人  
之訐決以取禍者肺使之也 子華子肺之精為金其  
氣為允其色白其狀如懸磬其神為伏虎其竅上通於

鼻 黃帝書西方兵法肺西方白其人姓為文氏字元  
明衣白衣 黃庭內經肺神皓華字虛成 雲笈七籤  
肺神名為青龍字薰龍子方又肺神名素靈生字道平  
形長八寸一分純白 開元遺事太真妃宿酒初消吸  
花露以潤肺

脾 白虎通脾之為言辨也所以積精稟氣也 釋名  
脾裨也在胃下裨助胃氣主化穀也 子華子脾之精  
為土其氣為戊巳其色黃其狀如覆缶其神為鳳凰其



竅上通於口 子華子土宿於脾磅礴而不盡其滲漉也下注而不止其神好大而無功人之重遲滯納以取禍者脾使之也 雲笈七籤脾為中黃宮太素府 黃帝書西方兵法脾為中央戊巳土其人姓為巳氏字元巳衣黃衣 雲笈七籤脾神名為黃庭字飛黃子又脾神名寶元全字道騫形長七寸三分色正黃 黃庭內經脾神常在字魂停

胃 釋名胃圍也圍受食物也 雲笈七籤胃神名同

來育字道還形長七寸色黃

腸 釋名腸暢也通暢胃氣去滓穢也 雲笈七籤腸

中神名兆滕康字道還形長二寸四分黃赤色 拾遺

記北有浣腸之國從口中引腸出而浣濯之更遞易其

五臟浣畢嘯傲而飛焉 北史東魏彭樂驍勇善騎射

嘗因醉深入被刺腸出內之不盡截去復戰

腎 白虎通腎之為言寫也以竅寫也腎色黑水陰故

腎雙竅為之候何竅能瀉水亦能流濡 釋名腎引也

腎屬水主引水氣灌注諸脉也 雲笈七籤腎為幽昌

宮太和府 子華子腎之精為水其氣為坎其色黑其

狀如介石其神為玄龜其竅上通於耳 子華子水宿

於腎瑟縮以湊險其神伏而不發人之媿妬脂韋以取

禍者腎使之也 黃庭內經腎神玄冥字育嬰 雲笈

七籤腎神名為雙以字林子又左腎神名春元真字道

卿形長三寸七分數變白赤青五色無常右腎神名象

地無字道生形長三寸五分色白或黑 黃帝書西方

兵法腎北方黑其人姓為玄氏字子真衣黑衣

背

逸雅背倍也在後稱也脊積也積續骨節終上下也

雲笈七籤肩背神二人少陰少陽之精也字女爵唐

史太宗覽明堂針灸圖見人五臟皆近背遂禁無得鞭

背白虎通周公背僂南史梁簡文連錢入背廣

博物志苻秦背有文隱起曰草付酉陽雜俎荊州街

子葛清勇不膚撓自頸以下遍刺白居易舍人詩成式

常令其自解背上能闔記反手指其去處至不是此花  
偏愛菊則有一人持杯臨菊叢又黃夾纈林寒有葉則  
指一樹樹上掛纈纈窠鏤勝絕細凡三十餘處體無完  
膚酉陽雜俎段成式門下駟路神通背劄天王至朔  
望日具乳糜焚香袒坐使妻兒供養其背而拜焉

手

附掌  
爪

指  
臂

三元真一經手者膽神之外援釋名手須也事業之  
所須也掌言可以排掌也雲笈七籤兩手中神二人

太陽之精也字魂陰 大戴禮布指知寸布手知尺舒  
肘知尋 孝經援神契舜手握袞宗均注握袞手中有  
袞字 通考后稷之孫生而有文在手曰鞠因以為氏  
左傳唐叔生而有手文曰虞遂以為名又仲子魯惠  
公夫人人生有手文曰為魯夫人 唐表周昭王少子生  
而有文在手曰閭康王封於閭城 元和姓譜周平王  
少子生而有文在手曰武遂以為氏 鮮于血脉譜子  
他之子曰文生而有文在手左曰魚右曰羊及長封漁

陽姓鮮于氏為燕附庸 論語摘輔象仲弓鈎文在手

是謂知宰我握戶是謂守道子游握文雅是謂繁土公

冶長手握輔是謂道子夏握五是謂受公伯周手握直

期是病惡 偃曝談餘張良手紋如琴陳平手紋有兵

符 十六國春秋彭神符生而有文在手曰神符 虛

空藏經寶手菩薩手中出無量花香瓔珞 拾遺記韓

房以丹砂畫左右手如日月盈缺之勢可照百餘步

北史隋盧大翼目盲以手摸書而知其字 晉書王衍

每捉玉柄麈尾與手同色 南史梁簡文帝手執玉如意不相分辨 酉陽雜俎翟天師名乾祐長六尺手大尺餘每揖人手過脅

掌 春秋元命苞掌圓法天以運動 孝經鈞命決仲尼虎掌是謂威射 論語摘輔象澹臺滅明岐掌是謂正直 拾遺記趙飛燕身輕能掌上舞 南康記傅咸掌有卧龍紋 南方異物志烏潏人以人掌蹠為珍重以食長老 真臘風土記國主跣足足下及手掌皆紅



藥染色出則手持劍百姓間惟婦女染手足掌男子不敢也 郭緣生述征記華山與首陽本一山河神巨靈擘開以通河流故掌迹存焉 長安記仙人掌大七圍以銅為之

指 春秋元命苞指五者法五行 事物紺珠牒羅窩二音手指文 說文拇將指也 孟子注巨擘大指也

左傳鄭人獻黿於鄭靈公子公之食指動謂子家曰必嘗異味 北史孝文少善射有膂力年十餘能以指

彈碎羊髓骨 酉陽雜俎則天右手中指有黑毫左旋  
如黑子引之長尺餘 涅槃經阿闍王令醉象蹋佛佛  
舒五指遂為五獅子醉象惶懼而退 嘉話錄道宣持  
律第一忽一旦霹靂遶戶外不絕宣乃視其十指有一黑  
點如油麻者在右手小指上疑之乃出於隅子孔中一  
震而失半指黑點是蛟龍之藏處也 異域志長人國  
人長三四丈國朝有使往遼陽舟被風至其國其人來  
拿舟斬其一指大若人臂

爪 逸雅爪紹也筋極為爪紹續指端也 夷門廣牘

爪乃筋之餘 勝天王經佛自說八十種好相爪如赤

銅葉 法輪經老子指纖長爪有玉甲 南康記傅咸

指甲上隱起花草如雕刻是以文章過人 王遠傳麻

姑手爪似鳥蔡經見之心中念曰背大癢時此爪以爬

背當佳也 偃曝談餘陳武章皇后手爪長五寸色竝

紅白每遇暮功之服則先折一爪 粧臺記婦人深指

甲用紅按事物考楊貴妃生而手足爪甲紅謂白鵲精

也宮中效之此其始也 物類相感志人或爪甲上生

白瑕拂拂然謂之爪花得服飾之兆俗人為驗常無失

山堂肆考伎女以鹿角琢為爪以彈箏曰繫爪 異

識資諧浙有士人一指忽隱痛不可忍其中指甲間生

一珊瑚高二寸血色氣縷成海市人士戰馬城郭戈矛

人已皆見其人嗜飲燒酒醫謂火所吐幻景朕以大黃

稍減久服遂絕然火何得成此異哉 明泳化類編主

事戴春松江人言其鄉有衛舊公者手大指甲中見一

紅筋或曲直或蜿蜒而動或懼之曰此必承雨濯手龍  
集指甲也衛因名其指曰赤龍甲一日與客泛湖酒闌  
雷電繞船水波震蕩衛戲客曰今日吾家赤龍得無去  
耶因出手船窓外龍果裂指而去

臂 釋名臂裨也在旁曰裨也肘注也可隱注也腕宛  
也言可宛屈也 淮南子羿臂左長而善射 論衡湯

臂再肘 史記李廣猿臂 段龜龍涼州記呂光左肘

生肉印及征南城印內隱起文字曰巨霸 清異錄齊

趙人好以身為供養謂兩臂為肉燈臺頂心為肉香爐  
晉書泰始九年帝多簡良家子女以充內職自擇其  
美者以絳紗繫臂 史諱錄明皇開元初被進者曰印  
選以綢繆記印臂上曰風月常新印以桂紅膏則水洗  
不退其色 廣古今五行志長山趙宣母妊身臂上生  
瘡兒從瘡中出 孟熙霏雪錄山東民間婦人一臂有  
物隱然膚中屈佞如蛟龍狀婦喜以臂浸盆水中一日  
雷電交作婦自牖出臂果一龍擘雲而去 彙苑詳註

甌越之民錯臂左衽謂丹青錯畫其臂 地志僂耳國  
東有一臂國人皆一臂

足附股 膝

逸雅脛莖也直而長似物莖也足續也言續脛也趾止  
也言行一進一止也足後曰跟在下旁著地一體任之  
象木根也踵鍾也鍾聚也上體之所鍾聚也脚却也以  
其坐時却在後也 六書故今人以膝端為髀踵兩旁  
圓骨為踝 書叙指南脚脛曰脰音衡 吳越春秋闔閭

傷將指注將指足大指言其將領諸指也 賈誼傳病  
非徒腫也又苦蹠蹠師古注蹠古蹠字足下曰蹠今所  
呼脚掌是也蹠古戾字言足蹠反不可行也 雲笈七

籤兩脛神二人金木神也字隨孔子兩足神二人太陰  
之精也字柱天力士 禮記堂上接武堂下布武注武  
足跡也又行不舉足車輪曳踵又行不敢高其趾如車  
輪循地行搖曳足跟也 司馬法一舉足曰跬跬三尺  
兩舉足曰步步六尺 楊慎外集茄子根煎湯浴足能



治龜瘵足跟凍瘡也

朝野僉載定州人崔務墜馬折

足醫令取銅末和酒服之遂痊平及亡後十餘年改葬  
視其脛骨折處有銅末束之 趙崇絢難肋史記始皇

時有大人見臨洮腳跡六尺漢武帝求神仙公孫卿至

東萊言見大人長數丈跡甚大魏咸熙二年大人見襄

武縣跡長三尺二寸唐則天長安元年司刑寺囚偽作

大人跡五尺改元大足 帝王世紀大禹右足文履已

子 抱朴子老君足下有八卦 法輪經老君足蹈二

卅 玉堂閒話晉太常卿程遜足下有龜文招相者視之相者告曰君終有沈溺之厄其後使於浙右竟葬於海魚之腹李固傳曰固足履龜文而位至三公卒無水害同事而異應也 偃曝談餘黃巢足有黃巢二字

廣博物志交脛國在貫胄國東其為人交脛

言脚脛曲底相交所

謂交趾者也

物類相感志沅陵有武陵山山有美人每土

人聚即來入衆莫能辨惟脚指在後而踵在前若以刀斧斫不死以杉木為刀擬之則去 炎徼紀聞瑤人古

八蠻之種兒時燒鐵石烙跟蹠以油蠟漬之重趼若鄴  
事林廣記丁靈國在海內其人從膝下生毛馬蹄善  
走自鞭其脚一日可行三百里

女人足 代醉編古今事物考謂商妲已狐精也或曰  
雉精猶未變足以帛裹之宮中效焉 說文漢雜事秘

辛載保林吳姁奏言乘氏忠侯梁商女足長八寸蹻跗  
豐妍底平指歛約縑收束微如禁中漢尺小婦人纏足  
始此其來古矣 車若水脚氣集婦人纏脚不知起於

何時小兒未四五歲無罪無辜而使之受無限之苦纏  
得小來不知何用後漢戴良嫁女練裳布裙竹筥木屐  
是不干古人事或言自唐楊太真起亦不見出處 張  
邦基墨莊漫錄道山新聞云李後主宮嬪官娘纖麗善  
舞以帛繞足令纖小屈上如新月狀由是人皆效之以  
此知札脚五代以來方有之如熙寧元豐前人猶為者  
少近年則人人相效以不為者為恥也 留青日札至  
理宗朝宮妃束足纖直名快上馬則又不以屈上為貴

矣 楊慎丹鉛總錄墨莊漫錄載婦人弓足始於五代  
李後主非也予觀六朝樂府有雙行纏其辭云新羅繡  
行纏足趺如春妍他人不言好獨我知可憐唐杜牧詩  
云鈿尺裁量減四分碧琉璃滑裏春雲五陵年少欺他  
醉笑把花前出畫裙段成式詩云醉袂幾侵魚子縵影  
纓長憂鳳凰釵知君欲作閑情賦應願將身作錦鞋花  
間集詞云慢移弓底繡羅鞋則此飾不始於五代也或  
謂起於妲己乃瞽史以欺閭巷者士夫或信以為真亦

可笑哉 胡應麟筆叢婦人纏足謂唐以前無之余歷考未得其說古人風俗流傳如墮馬愁眉等史傳尚不絕書此獨不著太白至以素足咏女子信或起於唐末至宋元而盛矣又古言婦人弓腰而不言弓鞋言纖拍而不言纖足則陶宗儀之說未為無見晉木蘭歌述婦人改服但稱雲鬢花黃略不言足誠似可疑第六朝前婦人之履不知與男子竟有別否

股 釋名股固也謂強固也髓緩也其腋皮厚而緩也

髀卑也在下稱也臀殿也高厚有殿還也尻廖也尻所

在寥牢深也 廣博物志玄股之國在黑齒國北

髀以下盡

黑故云

廣古今五行記宋孝武時荊州人楊歡妻於股

中生女 張舜民畫墁錄太祖招軍格不全取長人要

琵琶腿車軸身取多力 孫榮北里志崔垂休於金陵

妓王小潤髀上題記同年嘲之曰何事博陵崔四十金

陵腿上逞歐書

膝 釋名膝伸也可屈伸也膝頭曰膊膊團也因形團

圓而名之也或曰踠踠扁也亦因形而名之也 庶物

異名錄犢鼻穴在膝下見本草綱目注 雲笈七籤兩

膝神字樞公 水經注太公垂釣渭川兩膝遺跡猶存

清異錄溫韜少無賴拳人幾死市魁將送官謝過魁  
前拜逾數百魁釋之韜每念之以為恥既貴達拍金薄  
為搭膝帶之曰聊酬此膝

骨 附 髌 髌 筋

逸雅骨滑也骨堅而滑也 說文骨體之質也肉之核



也 事林廣記人骨節中有涎所以轉動滑利中風則涎上潮咽喉袞響以藥壓下俾歸骨節可也若吐其涎時間快意枯人手足縱活亦為廢人矣 主制羣徵首骨自額連於腦其數八上額之骨十有二下則渾骨一馬齒三十有二膂三十有四胷之上有刀骨分為三肋之骨二十有四起於膂上十四環至胷前直接刀骨所以護心肺也下十較短不合其前所以寬脾胃之居也指之骨大指二餘各三手與足各二十有奇謂骨或縱

入如釘或斜迎如鋸或合筍如匱或環抱如攢總期體之固動之順也 靈樞經髑髀以下至天樞心岐骨也長八寸人有有髑髀者有無髑髀者無髑髀者心高髑髀小短舉者心下長者心下堅弱小以薄者心脆直下不舉者心端正倚一方者偏傾 物類相感志朝廷之人多立立多傷骨食榆則多睡睡多則骨穩 物類相感志凡喪亂之人父母死亡暴骨無誌認者即齧指血滴之於骨上若已親則血沁入不是則否 陳湯傳掩

骼埋齒注應劭曰禽獸之骨曰骼骼大也鳥鼠之骨曰齒齒可惡也臣瓚曰枯骨曰骼有肉曰齒師古曰瓚說是也

古人骨 廣博物志殷時有仙女名昌容隔窓見骨

尸子徐偃王有筋而無骨 列異傳蔣子文漢末為秣

陵尉自謂骨青死當為神 鄴侯外傳李泌每導引骨

節皆珊然有聲時人謂之鑠子骨 宣室志商居士每

運支體瓏然若戛玉之音或曰居士之骨真鑠子骨也

鑱骨連絡如蔓故動搖之則有清越之聲卒後三日門  
弟子焚居士於野及視其骨果鑱骨也支體連貫若紉  
綴之狀風一拂則纖韻徐引於是里人競施金錢建一  
塔以居士鑱骨瘞於塔中 國語吳伐越墮會稽獲骨  
節專車吳子使聘魯問孔子子曰禹致羣臣於會稽之  
山防風後至禹殺而戮之其骨節專車此為大矣 韋  
絢劉賓客嘉話錄公嘗於貴人家見梁昭明太子脛骨  
微紅而潤澤 陸深知命錄予登華山觀希夷蛻骨作

黯淡黃色入手堅實而骨節頗長大唯顱骨頂有二竅  
為異世云作粉紅色與異香咸無之

佛骨 釋氏要覽注釋迦佛既化弟子阿難等焚其身  
有骨子如五色珠光瑩堅固名曰舍利子因造塔以藏  
之 西域傳迦畢試國古王寺有佛頂骨一片廣二寸  
餘色黃白髮孔分明 酉陽雜俎那揭羅曷國城東塔  
中有佛頂骨周二尺欲知善惡者以香塗骨其迹煥然  
善惡相悉見 梁高僧傳劉薩何師卒於肅州形骨小

細狀如葵子中皆有孔可以繩連 廣異記則天時西

國獻毗婁博義天王下頷骨大如胡牀 孔六帖咸通

十四年春詔迎佛骨鳳翔乃以金銀為剎珠玉為帳孔

鵠周飾之 吳萊南海古跡記蘓文忠公古舍利塔在

東莞西資福寺羅漢閣狀若覆盂文理若芭蕉五色備

具蓋古佛腦骨也 續玄語錄延州有婦人甚有姿色

少年子弟悉與狎數歲而沒人莖之道左大厯中有胡

僧敬禮其墓曰斯即鎖骨菩薩慈悲喜捨順緣已盡衆

人開墓視其骨鈎結如鎖狀遂與起塔

髑髏 說文髑髏頂也 廣雅顙顙謂之髑髏 南州

異物志烏澍人得髑髏破之以飲酒 北史有以骨為

刀子把者五色斑斕徐之才曰此人瘤也問得處云於

古冢見髑髏骨長數寸試剖視有文理故用之 陳繼

儒筆記太宗白溝河大戰陣亡軍士積骸遍野上念之

命收其頭骨規成數珠分賜內官念佛冀其輪迴又有

脛骨深大者則以盛淨水供佛名天靈椀 遠志有主

號廼呵一髑髏在穹廬中覆之以氈人不得見國有大  
事則殺白馬灰牛以祭始變人形出視事已則入穹廬  
復為髑髏後因國人竊視之失其所在 物類相感志  
髑髏以蓬穿之則夜語矣凡百先徵無不響告初得唯  
以巨大者為最以香水洗之然後以蓬穿始則呻吟然  
後問之或以土實之以赤豆植之夜則言告吉凶相狀  
焉

筋 朝野僉載筋斷須續者取旋覆根絞取汁以筋相



對以汁塗而封之即相續如故蜀兒奴逃走多割筋以  
此續之百不失一

血 附汗 淚 唾

逸雅血濺也出於肉流而濺濺也膿釀也汁釀厚也

晉書政刑舒緩則有常燠赤祥之妖淖齒殺齊湣王日

天雨血霑衣以告也此之謂乎京房易傳曰佞人祿功

人戮天雨血 莊子外物篇萇弘死於蜀藏其血三年

而化為碧 陶侃傳相者師圭謂侃曰君左手中指有

豎理當為公若徹於上貴不可言侃以針決之見血灑  
壁而為公字以紙裏手公字愈明 晉書晉丞相府斬  
督運令史淳于伯血逆流上柱二丈三尺此赤祥也遂  
頻旱三年千寶以為冤氣之應 台州志王貞婦為元  
兵所刦至嵯縣清風嶺嚙指出血書字山石投崖死血  
漬石間天且陰即墳起如始書 列子馬血為轉鄰人  
血為野火 穆天子傳天子渴於沙衍求飲未至七萃  
之士高奔戎刺其左騾之頸取其青血以飲天子

汗 逸雅汗澤也出在于表澤澤然也 古今注五藏

化液心為汗 王仁裕天寶遺事貴妃每至夏月有汗紅膩而多香或拭之於巾帕之上其色如桃紅也

淚 李時珍本草淚者肝之液五藏六府津液皆上滲於目凡悲哀笑欬則火激於中心系急而藏府皆搖搖則宗脈感液道開津上溢故淚出猶烝甑上水滴之意

三水小牘鮑溶詩謂淚曰眼泉 彙苑玉筍言婦人

啼泣淚如玉筍也 郭憲別國洞冥記味勒國在日南

其人乘象入海底取寶宿於鮫人之宮得淚珠則鮫人所泣之珠也亦曰泣珠 陸翹鄴中記文帝納薛靈芸靈芸別父母歔累日淚下沾衣至升車就路時以玉唾壺承淚壺即紅色及至京師壺中淚凝如血 天寶遺事貴妃初承恩召與父母相別泣涕登車時天寒淚結為紅冰 麗情集灼灼錦城官妓也以軟綃多貯紅淚密寄河東人 金志女真親友死以刀割額血淚交下謂之送血淚

唾 事林廣記唾者溢為醴泉聚流為華池府散為津液降為甘露溉臟潤身宣通百脉化養萬神肢節毛髮堅固長春 古今注五臟化液腎為唾脾為涎 清異錄仙家以津液為種壽泉 養生經甘泉唾也 釋名津進也汁進出也 莊子夫唾大者如珠小者如霧玄覽雲中五原雁門之野唾出口而成冰 述異記南康雩都縣西沿江有石室名夢口穴嘗有船人遇一人遍身黃衣擔兩籠黃紙求寄載行至崖下此人唾盤上

徑下崖直入石中船主初甚忿之見其入石始知神異  
視盤上唾悉是黃金珍珠船劉綱唾盤成鯉其妻樊  
夫人唾盤成獼食之飛燕外傳飛燕與其妹婕妤坐  
誤唾其袖合德曰姊唾深人紺碧正似石上花劉玉  
已瘡編都下妓柳青一時文人達士盡與之遊最厚者  
常唾之唾絲白如雪香滑可愛目為唾花人爭以得唾  
為榮

痣 附瘰 瘤

物類相感志人身黑子一云痣謂小兒死墨黛胭脂塗其肌體咒欲重生為已子即誌記防尋認也今往往有之或題名字有兒生復如所誌然古善相者於此上取其象以定吉凶若漢高祖唐高祖痣若龍鱗星斗之狀或黑子大而尤潤者富貴長壽之相也 法輪經老子腹有白痣 高紀左股有七十二黑子師古注今中國通呼為壓子吳楚俗謂之誌誌者記也 南史陶弘景右膝有數十黑子作七星文 南史梁武帝丁貴嬪生

而有赤痣在左臂療之不滅帝納之失痣所在

癰 楚國先賢傳孔休傷頰有癰王莽賜玉屑白附子  
香與之消癰 王羲之帖頤鵠糞白去黥黥癰廕令人  
色態

癰 莊子附贅縣疣注癰也 晉書司馬師目有癰疾

使醫割之文騫之來攻也驚而目出 物類相感志丁

貴嬪體多疣及武帝納之並失所在 三國典畧侯景

左足上有肉瘤狀似龜戰應克捷瘤則隱起分明如其



不勝癰則低下至石頭之役癰隱肉中 物類相感志  
李光易額癰財耗散則癰減驗無失 南史薛伯宗善  
徙癰疽公孫泰患背伯宗為氣封之徙置齋前柳樹上  
明旦癰消樹邊起一癰如拳大稍稍長二十餘日癰大  
膿爛出黃赤斗餘其樹為之痿損 徐鉉稽神錄浮梁  
李生背突起如孟癢甚醫士李德立云此蟲癰也以藥  
傅之一夕癰潰出蟲斗餘即日體輕 續玄怪錄安康  
伶人刁俊朝其妻巴姬項瘻者初微若雞卵漸巨如三

四升餅盎積五年大如數斛之鼎重不能行其中有琴瑟笙磬塤簫之響細而聽之若合音律泠泠可樂積數年癭外生小穴如針芒者不知幾億每天欲雨則穴中吹白烟霏霏如絲縷漸高布散結為屯雲雨則立降其家少長懼之妻曰君當為我決拆之看有何物俊朝磨淬利刃揮挑將及妻前癭中軒然有聲遂四分披裂有一大猿跳躍而去即以帛絮裹之雖癭疾頓愈而冥然大漸矣物類相感志人身血氣周身不知幾千息人

血行而壅則瘡癰於虛穴處則生核謂之豐瘍豐瘡所  
生也瘡瘻核亦消

附  
像

李綽尚書故實佛像本胡夷朴陋人不生敬今之藻繪  
雕刻自戴顓始也顓嘗刻一像自隱帳中聽人臧否隨  
而改之如是者十年厥工方就 尚書故實鄭廣文作  
聖善寺報慈閣大像記云自頂至頤八十三尺額珠以  
銀鑄成虛中盛八石 張鷟朝野僉載周證聖元年薛

師名懷義造功德堂一千尺於明堂北其中大佛像高九百尺鼻如千斛船中容數十人並坐夾紵以漆之

模鶚杜陽雜編新羅國獻萬佛山雕沈檀珠玉以成之其佛形大者或逾寸小者八九分其佛之首有如黍米者有如菽者其眉目口耳螺髻毫相悉具而辭縷金玉水精為幡蓋流蘓菴羅蓆葡萄等樹構百寶為樓閣臺殿其狀雖微勢若飛動前有行道僧不啻千數下有紫金鐘閣三寸以蒲牢銜之每擊鐘行道僧禮拜至地其中

隱隱謂之梵聲蓋闕挨在乎鐘也其山雖以萬佛為名其數則不可勝計上置九光扇於巖巘間四月八日召兩街僧徒入內道場禮萬佛山是時觀者歎非人工及見有光出於殿中咸謂之佛光即九光扇也李肇國史補南中有伍子胥廟者其像分其鬚謂之五髭鬚

金像 國語越王金鑄范蠡 霍去病傳破匈奴獲休屠祭天金人注祭天以金人為主佛徒祠金人也師古曰今之佛像是也 南史晉劉敬宣八歲喪母四月八

日見衆人灌佛乃下頭上金鏡為母灌像 洛陽伽藍  
記北魏孝昌三年二月洛陽平等寺金身兩目垂淚遍  
體俱濕時人稱為佛汗如此三日而明年爾朱榮入洛  
誅戮百官殆盡 宣室志初唐有神像用金而製傳云  
周隋間有術士鎔範而成之可以占王者之在位幾何  
年其法當厲聲而叱之苟年甚永則其像搖震亦久不  
然一撼而止

銀像 尚書故實聖善寺銀佛天寶為賊截將一耳後

少傅白公奉佛銀三鏈添補然不及舊

銅像 後漢傳薊子訓與一老翁共摩挲銅狄人相謂  
曰適見鑄此物而已近五百歲 山堂肆考翁仲姓阮  
身長一丈二尺秦始皇併天下使翁仲將兵守臨洮聲  
振匈奴秦人以為瑞翁仲死遂鑄銅像置咸陽司馬門  
外 北史光州故吏聞崔挺凶問莫不悲感共鑄八尺  
銅像於城東廣固寺赴八關齋追冥福 事林廣記周  
世宗廢佛寺二千三百八十曰佛法割截身體利物猶

為之況銅像耶詔毀天下銅佛鑄錢

鐵像 薛用弱集異記隋開皇間釋子澄空於晉陽汾

西鑄鐵像高七十尺至唐開元初節度使李勣造重閣

以覆之謂之平等閣

錫像 百官志太和三官詔佛像以鉛錫土木為之飾

帶以金銀礪石烏油藍鐵唯鑑磬釘鐸鈕得用銅餘皆

禁之

玉像 拾遺記周靈王時異方貢玉人機攄自能轉動



錦繡萬花谷蜀先主置甘后於白綃帳中望之如月中聚雪時河南獻玉人長三尺夕則擁后而玩玉人

盧元明嵩山記嶽廟神像有玉人高五寸五色甚光潤制作亦佳莫知早晚所造蓋嶽神之像屢常失之或經旬復見南史晉義熙初師子國獻玉像經十載乃至像高四尺二寸玉色潔潤形制殊特殆非人工此像歷晉宋在瓦官寺至齊東昏遂毀玉像前截臂次取身為嬖妾潘貴妃作釵釧北史隋藍田令王曇於藍田山

得一玉人長三四寸著大領衣冠幘奏之詔問羣臣莫有識者崔頤答曰謹按漢文帝已前未有冠幘即是文帝已來之所製也臣見魏大司農盧元明撰嵩高山記云有神人以玉為形像長數寸或出或隱出則令世延長伏惟陛下應天順人定鼎嵩雒嶽神自見臣敢稱慶陶宗儀輟耕錄丞相伯顏至于闐國鑿井得玉佛高三四尺色如截肪照之皆見筋骨脉絡

牙像 南史梁大通中丹丹國奉表送牙像及畫塔二

軀

珊瑚像 南史梁天監中扶南遣使送珊瑚佛像

香像 清異錄以龍腦為佛像者有矣未見著色者也  
汴都龍興寺惠乘寶一龍腦小兒雕製巧妙彩繪可人  
南史梁時扶南國送天竺旃檀瑞像 清異錄海舶  
來有一沉香翁刺鏤若鬼工高尺餘舶酋以上吳越王  
王目為清門處士 格古要論嘗有降真香節內及木  
節中生成真武像此乃天地造化世之奇寶也


硃砂像 格古論正統中貴州硃砂中有生成觀音像  
又石中及蚌中生成觀音像

甕像 廣異記盧贊善家有一甕新婦子經數載其妻  
戲謂曰與君為妾盧因爾惘惘恒見一婦人卧於帳中  
積久意是甕人為祟送住寺中供養有童人曉於殿中  
掃地見一婦人問其由來云是盧贊善妾為大婦所妬  
送來在此其後見盧家人至因言見妾事贊善窮覆本  
末所見服色是甕人遂命擊碎心頭有血大如雞子

木像 列子周穆王時偃師所造倡者鎖其頤則歌合  
律捧其手則舞應節剖散之皆傳會革木膠漆白黑丹  
青之所為廢其心則口不能言廢其肝則目不能視廢  
其腎則足不能步 韓非子桓赫曰刻削之道鼻莫如  
大目莫如小鼻大可小小不可大也目小可大大不可  
小也 天寶遺事申王以龍檀木雕成童子綠袍束帶  
執畫燭列立晏席之側目為燭奴又寧王於帳前木雕  
矮婢飾以彩繪各執華燈達旦謂為燈婢

土偶 邵氏錄古人畫塑一法楊惠之見吳道子畫筆  
已工乃去學塑古今稱第一 東京夢華錄七月七夕  
京城內外瓦子街巷皆賣磨喝樂乃小塑土偶耳悉以  
綵裝欄座紅碧紗籠飾以金珠牙翠有一對直數千者  
本佛經云摩睺羅俗云摩喝樂 書蕉宋時鄜州田氏  
作泥孩兒名天下態度無窮雖京師工效莫之能及陸  
務觀家藏一對卧者有一小字云鄜時田玘製虞學士  
伯生亦有記言其精絕今古

蠟人 同話錄西方之教結夏之時隨其身之輕重以  
蠟為其人解夏之後以蠟人為驗輕重無差即為驗定  
而無妄想其有妄想者氣血耗散必輕於蠟人矣 羣  
碎錄七夕俗以蠟作嬰兒形浮水中以為戲為婦人宜  
子之祥謂之化生



格致鏡原卷十二